


12
16
73
34

~~VIII 0 83 f 20~~





PAVLI IOVII
NOVOCOMENSIS,

DE PISCIBVS
Portinet ad Cisterced. S. Bar.
MARINIS,

Transiber. Alina. Vitis
LACVSTRIBVS,

et Testam. M. et R. D.
FLVVIATILIBVS,

Acath. Alinal.
ITEM DE TESTACEIS

AC SALSAMENTIS

LIBER.



PAULI IOVII NOVOCOMENSIS
MEDICI

DE ROMANIS PISCIBVS LIBELLVS
AD LVDOVICVM BORBONIVM
CARDINALEM AMPLISSIMVM



SVades Reuerendissime ac Illustrissime Domine, qui etiam in re optimo compellere potes, ut ea literis tradam, quæ de Romanis piscibus erudite atq; subtiliter fuere disputata, quum te, et Ioannem Lotharingum præclarissimi ingenij Cardinalem Clemens Pontifex, familiari conuiuio, ueluti animum remissurus, hylariter excepsisset. Res est cognita, tractatq; difficilis, cum propter infinitam fere naturæ piscium uarietatem, quæ me et plerosq; alios admodum curiosos hactenus irritio labore fatigauit, tum propter incredibilem scriptorum discrepantiam, qui ex multiplici linguarum uarietate perpetuas huiusmodi studijs tenebras offuderunt. Quibus de causis necesse est, ut animus rei difficultate permotus totum hoc munus, quod maioribus doctrinæ, exactiorisq; iudicij neruis esset expendendum, haud mediocriter reformidet. Sed ea est dignitas, amplitudoq; tua et morum suauitas cum singulari optimarum literarum cupiditate coniuncta, ut honoris mei uel gloriolæ, siqua ingenuis studiis parua est, iacturam plane facere, quâ honestissimo desyderio tuo penitus deesse malim. Verum tu postea iudicaueris, an ego qui rem tam difficilis argumenti et maiorem omnino ingenij facultatem postulâtis, impudentiæ culpa uacauerim, quum eius nominis ueniam iam deprecer, ut officiosus et perhumanus appaream. Proinde hunc libellum ab acrioribus censoribus minus seuerè iudicari uelim, quando enim festina quadam hylaritate ueluti ludibundus, dum multi per hæc Saturnalia, aleæ, cæterisq; uoluptatibus uacarent, antiquis meis earum rerum obseruationibus



memoria repetitis, aliqua ex parte per fecerim. Eritq; hic male seriatim
hominis ingenuus labor, fortasse præludium insti, absolutiq; operis, si qui
literis ac industria pollent, proposita oculis, et a me quasi per transennam
conanonstrata, accuratius contemplari, ac uberioribus interpretationibus
illustrare noluerint. Ego certe hoc munere, et tibi in primis, et illis gra-
tum fecisse uidebor, animusq; etiam meus tanquã anxio diuerticulo
recreatus ad institutas absoluendæ Historiæ lucubrationes et firmior et
alacrior reuertetur. Exhibet enim in publicum propediem huiusmodi la-
boriosissimi operis prima Decas non sine aliqua spe immortalitatis, et
tum quidem multo auctior et ornatio, si eam tibi et Francisco Regi
tuo, quem liberalibus studiis delectari audiuimus, aliquando placuisse
cognouero. Vale.

EX VATICANO. IIIII. CALENDAS
APRILIS. M.D.XXIIII.

Singulorum Piscium nomina, naturamq; indagare, sicuti infi-
 niti prope laboris est, et doctrinae haud mediocris, ita praesentis
 non erit instituti, quum Graeci authores qui naturae rerum abdita
 diligentissime perscrutati sunt, suarq; nomina singulis rebus indiderunt,
 de toto aquatilium genere, varijs voluminibus abunde conscripserint.
 Neq; ipsum Plinium cinem meum penitus imitabor, qui ut Graecorum
 inuenta Romanis literis exprimeret, tota natura ubiq; mirifice represen-
 tata, non modo conclusi maris, ac fluminum pisces, verum etiam ipsas
 belluas toto oceano fugientes persecutus est. Itaq; nostrorum litorum
 finibus non abscedam, atq; ij tantum Pisces, e quibus Romae generosa pa-
 rantur obsonia, e Tyrrheno mari, fluxijs, ac lacubus Italia citabuntur.
 Neq; mirum curiosis esse debuerit, si quae veteres prodidere, nostrae tem-
 pestatis piscationi, omni ex parte, minime cōfenserint. Nam, etsi easdē
 semper animantium species perpetuo naturae ordine terra mariq; fuisse,
 nequaquā sit dubitandū, multa tamen varijs de causis variata, atq; immu-
 tata videntur. Insciti siquidem Principes quibus opes ludibrio erant,
 sicut hominum, ita et piscium colonias aliquando deduxere, ut luxuria
 in promptu haberet, quae pauloante frustra concupisset, et nouos inde
 incolas ipsa litora mirarentur. Sciam enim illum praenobilem in Graecia
 piscem, quem Eminus poeta, ob excellentiam, Ionis cerebrum vocitabat,
 Optatus Tiberij Caesaris libertus, ut ante eum Lucullus Cerasum, Cam-
 panis litoribus importauit, cuius sebolem uel penitus interiisse, uel ut
 credi par est, longo patrij maris desiderio abductum, in Graciam remeasse
 putamus. Acipenser quoq; ille Regum mensis usurpatus, et conuersa in ca-
 put squamarum serie insignis, eadem ratione, quod fortasse fuerit in-
 quilinus, hac aetate proculdubio euauit. Peregrinantur enim sua sponte
 pisces, saepiusq; natalibus locis demigrant, tadioq; litorum, uel ab innata
 lascinia, ad quarendas nouas sedes per inmensa pelagi spacia deferuntur.

scorpius

AQUA

Novos etiam pisces retibus exceptos piscatores admirati sunt, quos de extremis maris recessibus, imisq; profundi gurgitibus provenire, vel per Gaditanas fauces in mare nostrum a vastissimo oceano irrumperere credendum est, sicuti etiam certis annorum curriculis invisitati generis aves e diversa terrarum regione in Italiam aduolasse traduntur. Multa quoque piscatoriae artis instrumenta de fecere, quum eius praecepta, aut per manus tradi, aut literarum memoriae, intercidentibus veterum libris, demandari nequiverint, et contra, novae fraudes, aliaeque insidiae a recentioribus sint excogitatae. quae res non mediocrem ad dinoscendos pisces difficultatem attulisse videtur, ita ut existimare liceat quosdam pisces, uno argumento quod nusquam appareant, vitare retia, atque astu nostrorum artes ludificari, aliquos vero frequentius, quam antiquis eueniret, capi, de quorum nomine nunc maxime dubitemus. Constat nonnullos pisces, alias in nullo censu, quod mire principum gulae placuissent, summam per aliquod tempus publica quadam assentatione claritatem obtinuisse, qui postmodum extincta cum his regibus raritatis opinione, quum omnes saporem ipsum aequali ac libero totius populi iudicio metirentur, nilissimo demum precio uenierunt, uti modo Merlucciae plebeio admodum pisci Hadrianus Pontifex sicuti in administranda republica hebetis ingenij, vel depravati iudicii, ita in esculentis insulsissimi gustus, supra mediocre pretium, ridente toto foro piscario, iam fecerat. Nec mirum esse debet, quam diuersam alij atque alij palatum habeant, numerosioraque obsonia mari petantur, quam terra, siquidem non modo uolucres, caeterasque sylvarum animantes fecundissima maria gignunt, sed ex ipsis piscibus etiam instrumenta, stupenda uarietate, quae homines imitentur, in fabriles usus abunde praebent, nihilque animo concipi, uel oculis uideri possit intra hoc calum, quoniam nos integimur, quod ipse Neptunus pater, in opulentissimis profundis regnis non habeat et benigne largiatur. Sed et maior piscium copia, maiorque

uarietas, quā nunc concupiscere contingat, antiquitus Romæ uisbatur,
 quum in summo luxu fastigio peregrini pisces a remotissimis Ionij, Si-
culij; litoribus peterentur, ob idq; expeditissimi myoparones essent insti-
 tuti, quorum remigio quicquid Brundusij, Messanæ, Tarentiq; excelle-
 ret, Romanis culinis protinus inferretur, eosq; tum maxime sapos pi-
 sces æstiuarent, quos et maximo piscantium labore, et summi. s: sumptibus
 quæsiuissent. Sed hoc certe parum fuerit, Ionij incolæ perforatis in-
clusos caueis captinos trahere, adnitentibusq; remis ac uelis longinqua uer-
rere maria, ut magnæ Græciæ obseuia non recentia modo, uerum adhuc
 spirantia Romani lurcones absumerent, quum in quibusdam Cascribus
 ea quoq; prurientis gulæ petulantia fuerit, ut in maritimis regionibus pi-
 sces fastidirent, quos postea in montanis, locisque mediterraneis quum
 essent, ueluti sordescente uenatione, per dispositos equos et quidem multa
timentium seruorum diligentia adduci curarent. Adiuuentæ quoq; fuere
 Piscinæ, quas ad mare, insano quidem sumptu extruebant, ut seuientium
aliquādo uentorum rabies et hæc quoq; hominum industria uinceretur, nec
 castigari luxuria posset, etiam si Æolus atq; Neptunus, cæteraq; Ponti
numina, infensa ac infesta epulantibus esse uoluissent. Itaq; nullo anni
 tempore, nullisq; in locis, etiam a mari procul remotis, egregij Roma-
 nis mensis pisces defuere. Siquidem studium eius rei, curamq; illam,
 inueterati gentis mores excoluerant, quando nulla uel frigidulo, ut poe-
 tice dicam, digna equite cana censeretur, quæ marinis dapibus carnisset.
 Nos uero contra, nisi lege coacti piscibus nescimur, quum certis diebus
 nolucrem aut quadrupedem esitasse, piaculum sit, ita ut si animi religio-
 ne soluerentur, nunquā profecto pisces ipsos, sed capum, perdicem Ga-
neones, pro mulis, auratis, ac lupis scetatueros appareat. atq; hos tantum
 forasse, quum gula cotidianis expleta ferculis nona sibi ad inuitandam
 famem dinerricula quæsiuerit. Tātumq; abest, ut pisces cupidius affecte-

mens, ut quatragesis illis uerni ieiunij diebus, neq; deorum metw, neq; infamia permoti, aliquando ad uorandas carnes, detestanda cupiditate rapiamur. Quibus de causis effectum est, ut neglecta piscatione, uetera piscium nomina penitus exo euerint. A nosti: enim uere tantu ipso, enixe certatimq; piscantibus omnis generis pisces minime capiuntur. Etenim pisces pro uarietate temporum modo nauantur, modo latibula querunt, in quibus se condant, neq; illorum captura est, nisi certis fere temporibus. Clupea ad prima statim ueris signa, quon Ciconia aduentant, subire Tyberim solent, inclinante uere nusqua apparent. In Lario etiam lacu Pigus piscis ille clauis caligariis insignis, ut Plinius refert, non alias unqua a me, hoc etiam curiose quarente, conspici potuit, qua Vergiliarum ortu, quibus maxime diebus Turdi gregatim ab alpibus in uinetu deuolare consueuerunt. Sed id praesertim in causa est, cur sapius fallamur, et difficillime uera ea uocabula deprehendamus, quod alijs, atq; alijs nominibus diuersi litorum tractus (ut Plinianis utar uerbis) eosdem pisces appellent. Nec mirum, cum rem Romanam ita uolentibus satis barbarae nationes affligerint, ipsaque Europa externarum gentium repleta colonijs, iampridem ueras literas, et antiquam dignitatem amiserit.

De Capidolio Caput. II.

Maximus inter pisces qui haec litora attingant, Capidolius ab Romanis appellatur. unum ex his, paucis ante annis nauta corporis magnitudine oculis ac dentibus triculentum irata maria ingentibus propulsu fluctibus humilia in uada detruferunt non longe a Grauescis in ora Tuscorum. Inhaesit multa reciprocantis pelagi iactatione fatigatus arena, quam pondere suo, impetuz; sulcauerat. Neq; inde sua oppressus mole circumagere sese pra inertia aut euadere potuit, quon maria modo

modo tantis inflata fluctibus, subsecuta tranquillitate, frustra elu-
 ctantem frequentibus prægrandis caudæ flexibus, fugantq; in altum
 multo gemitu molientem, quieto, uadosoque in litore destitissent.
 Ergo perpetuis ueluti circūnallatus aggeribus crebro, multoq; restatū
 indignabundus et expirans circūfusus populis prædæ atque spectaculo
 fuit, membratimq; securibus casus et subditus prælis in lucernarum usus
 liquorem præbuit. tanta erat belluæ uastitas, tantaq; eius dorsi altitu-
 do, ut facile utrinq; pariter equitantibus mutuum aspectum eriperet.
 Fuere miraculo ingentia ossa in templorum uestibulis suspensa, et in his
 præsertim oculorum receptacula, quæ orbem prægrandis dolij aqua-
 bant. Sed ea res mox in prodigium uersa est, sicuti tristi admodum euen-
 tu statim apparuit. quum enim æstiuī soles fæda putrescentis belluæ uisce-
 ra feruoribus excitata sanie corrupissent, quanquā aggesta materia teterri-
 mi odoris fastidio cremaretur, breui tamen adeo foetido, noxiq; uapore
 regionem suapte natura pestilentem infecit, ut ea inauditi spectaculi uo-
 luptas multis incolarum funeribus eo autumno constiterit. Non multis
 quoq; ante annis alia eiusdem generis bellua non longe ab Arni fluminis
 ostio, sæuiente austri flatibus tempestate, uadis illisa est, quam morbo ac
 senio multaq; agitatione confectam simulis accolarum concursus dissecuit,
 extractisq; ad spectaculum costis, spinaq; Sphondylis, continuo concre-
 manit, ne grani eo halitu aer adfectus insalubrior redderetur. Capido-
 lison a Plinio Orcam uocatum esse crediderim, quā spectante populo Ro-
 mano Clandius Cæsar Ostiensi in portu longo plagarum ordine conclusam,
 ueluti maximo in circo, uel ipsa Nannachia, Prætoriana classe innectus,
 circūfususq; milite, expugnauit atq; confecit, nec minore quidē spectaculi
 gloria, quā antea serpentem ad Bagradam Attilius Regulus admotis ca-
 stris et directis catapultis atq; balistis oppresserit. Orca cum Balaniz
 continenter bella gerunt et toto oceano truentissimus inter se prælijs dimi-

Rota
 eant, utraq; Gaditanum fretum aliquando ingrediuntur. Est et in ocea-
 no ceterij generis *Rota*, quam uidit Lusitana classis, dum extremum
 Aethiopiae promontorium superaret, geminas dorso rotas gestare uide-
batur, ad eam similitudinem quae frumentarias molas impellente uento
editoribus in locis circūducunt. Extimere tantae belluae congressum
periti nautae, qui modo ignoti maris immensos fluctus, certaq; pericula
contempserant, satinsq; uisum conuersis uelis fugam capere, quā expe-
ctare belluam terribili fragore uasta, spumosaq; maria proscindentem, et
superbo fremitu ueluti confectis hostibus praelium cientem. Neq; eam ter-
Pompo
ruere excussa nauibus tormenta, quorum boatibus ea maria resonabant,
fugientesq; proculdubio inmanis belluae uastis maandris adnatando fuis-
set confecta, uentis, ac uelis celeritate cedentibus, nisi mirabunda substi-
tisset, quippe quae perpetuam intendentibus fugam satis gloriosa insecta-
tione, uictoriam expressisse uideretur. Conspicitur et *Physeter* piscis
physeter
flator
 extra columnas herculeas, *Flator* ab latinis appellatus, qui frequenti
 restatu praealtas undas enomere solet, ita ut procul nauigiorum uela ob
 spumantis aquae candorem appareant. Eae belluae superiore biennio qui-
 busdam Caesarianis e Britania in Hispaniam traicientibus magnum terro-
 rem incussere, quum Gallorum nauigia ea uelorum spetie e longinquo
 repraesentassent, qui tum ardente bello, ea maria infestis classibus obsi-
 debant. Sed iam oceano suas belluas relinquantus, quum fercula mensa-
 rum potius, quam naturae maris tam multa miracula sumus uariaturi.

De Boue bellua et Camicula.

Caput. III.

Bos
Sed antequam ad eos pisces, qui conuiujs inferuntur, proposito or-
 dine ueniamus, Bos ille ingentis, latiq; corporis natantum homi-
num deuorator, minime erit praetereundus. Is admirabili calliditate in

mari nostro grassatur, portusque et exculta ædificij litora sæpius frequentat, inde occultus et quasi torpens simulata segnitia natantes adortur. Bendinellus Saulus Cardinalis sæpius referre solebat, se admodum adolescentem cum alijs eius ætatis sodalibus natandi studio, non longe a portu in mare altius proiectum, in huiusmodi belluam incidisse, quæ sedato ac maxime tranquillo in mari quæta et immobilis, distincte, atque perspicue uidebatur, cuius aspectu adeo expanerit, ut timore præpediente ab solita natandi peritia pene destitutus, ægre se receperit. Aethiopem uero qui peregreus erat urinator, quiq; ipsis adolescentibus corpora eorum ac animos maris periculis paulatim insurfaciendo, natandi artem tradebat, subsidenti in insidijs belluæ obuium celeri natatu prodijisse, siue ut pauentium mentes, eius monstri incursum consternatas despecto periculo confirmaret, uel ut ipse ad referendum miraculum, belluæ effigiem propius intueretur. Sed belluum prædæ intentam illum temere adnatantem innani exceptum hiatu confestim deuorasse, neq; alia infelicitè pereuntis Aethiopis ædita signa, præter spumam cruentam, agitato in mari ebullientem, ita ut prius multiplici et peracuta dentium serie confixus, quæ deuoratus esse crederetur. Oppianus homicidam bouem elegantissime descripsit, cuius sententia a Lippe pulcherrimis uersibus latine translata est, quum cæteri authores de hoc nullam fere mentionem fecissent. Est et infesta natantibus ipsa Canicula, quæ mortiferis potius dentibus mordicus homines dilacerat, quæ deuoret, quum capite tantum sana castigatum habeat uentrem et in prælongam ac tenuem exeat caudam, cuius astus, naturamq; multo simul metum, multaue audacia memorabilem, si referre conarer, insulsiſſime facerem, quum Plinius incomparabili elegantia breuitateque, ut miri eius ingenij mos fuit, suo loco eam expresserit.

Canicula

EX omnibus Piscibus , qui lautioribus apponuntur mensis , nullus
 est toto mari , uel annibus ipso Sturione procerior atque sapidior .
 Siquidem ubique terrarum et maximam pretium et summam dignitatem
 hac ætate semper obtinuit . Maria hunc gignunt , sed cum flumina maxi-
 me nobilitant , pinguescit enim dulcium aquarum haustu , subagrestemq;
 illum saporem exuit , qui præalto in mari concipitur . Magnos annes
 perquã libenter subit , propterea in Nilo , Tanai , et Danubio , Padoq;
 fluminibus maxime reperitur . Caput eius rostratum est , et ad effigiem
 quadratæ pyramidis protensum . Os illi est sine maxillis , sine dentibus
 diuersum penitus ab reliquorum piscium forma , idq; sub mento in ipsa
 prope inguli parte ad similitudinem fistulæ harundinæ rotundum , sem-
 perq; patens , et chartilagineum et summe candidum , cuius hiatus in pro-
 cerioribus hasta brachij crassitudine haud facile impleret . Cæterum totū
 caput dura potius , et callosa chartilagine , quã certis ossibus constat ,
 quod ex lento quodam , et præpingui mucore concretum esse uidetur .
 Naribus autem omnino quæ illi pertennes sunt supra rostrum , refrige-
 rantur , cum branchijs omnino latis careant , et si quam hauriendo recipit
 aquam , illam eodem pronò ore statim regerit . Toto autem dorso crassio-
 res quædam squamæ ossea duritie certo numero , ordineq; distinctæ , inter-
 currente spine acie ad elegantiam eminent , uti in magnificentioribus na-
 luis hodie uidemus , quas ferrei atque inaurati clauis certa serie confixi de-
 centissime figurant . cætera corporis partes cuticulari et scabro admodum
 operimēto potius quam perpetuis squamis integuntur , idq; ad subviridis
 atriq; coloris speciē . Quo nomine autē ab antiquis Sturio fuerit appella-
 tus , haud facile diuinauerim , quādo grauissimū nostræ tempestatis scripto-
 res narijs sententijs inter se dissentiat , quæ quidē magno etiam interuallo

a veritate discrepant. Et has quidem sententias uanis innixas coniecturis aliquanto facilius erit confutare, quā uerum, certumq; nomen celebratissimi piscis in medium asferre. Satis tamen fuerit, curiosos de alienis erroribus admonuisse, ut aliud ipsi accommodatius ac melius inuestigant, si nos fortasse minus proprium nomen inuenisse uidebimur. Raphael Volaterranus, qui laboriosissimum cunctis de rebus uolumen condidit, arbitratus est eam hodie Sturionem esse, qui apud Græcos Labrax, apud Latinos uero Lupus fuerit, cuius opinionem plerique Romanæ Academicæ proceres et ante alios Thomas Phædrus et Portius Camillus omnibus conuinijs probauerunt, his maxime adducti argumentis, quod Lupus Tyberinus longe omnium piscium apud Romanos esset laudatissimus, et is maxime qui cloacas urbis intraret, atq; inter duos pontes caperetur, qua una modo conditione Sturiones omnium iudicio summam saporis commendationē accipiant, sicuti eos Horatius et Lucretius, itemq; M. Varro et Plinius et Macrobius celebrarint, referre etiam ad prisca nominis coniecturam, Sturiones hodie a nostris piscatoribus, Lupos appellari, solereq; eos capto eo pisce, quum retia trahunt, clariore uoce præ lætitia, Lupi nomen ingeminare. Quæ coniectura multis rationibus mihi admodum friuolæ uidentur, quum id genus argumenti apud Dialecticos fallacissimum sit, Lupi Tyberini sunt delicatissimi, sed Sturiones Tyberini sunt delicatissimi, igitur Sturiones sunt lupi. In hoc enim non comparatur totum luporum genus, cum alijs piscibus, sed eorum, qui in Tyberi capiuntur, ab his qui in alto degant mari, differentia exprimitur. Ridiculum enim esset etiā apud mediocriter intelligentes, parasitos Læciā, Spigolam, atq; Lampetram in Tyberi pariter captos, qui mox latine nominabuntur, imo prælato Sturione in secundis dignitatis gradibus collocare, quam Sturio non semper sit gratissimus, utpote qui in medijs tantum solstitij fœnoribus laudetur. Pogius doctioris Pogii filius in

Lupus
VarroLupus
1219

senectute non modo eruditus, sed usq; ad iracundiam in conditura ferece-
lorum morosus, et uehemens parasitus, quum Sturionem apud anti-
quos Lupum fuisse et ipse crederet, in pontificiis quas maxime secta-
batur, cœnis, dicere solebat, ueteres insulsum habuisse palatum, quod
tantopere Lupum celebrassent, eum enim carnes habere cum præduras,
tum multa glutinosioris succi exuberantia insuauis, quæ prius appe-
tentes satient & expleant, quâ delectent. Propterea non domini, sed
familiæ potius mensis apponendum esse censebat, uno tantum excepto
capite, cuius elixi & leucophago conditi, latebras & recessus omnes
ipse furcula sonni ac digitis audivissime scrutabatur. Sed ne in refellen-
dis eorum argumentis nimium immoremur, dicamus Lupum alium esse
piscem a Sturione, Spigolam uulgari nomine nuncupationem, quo proba-
to, Sturionem illis sine nomine relinquemus. Spigola hodie apud Ro-
manos est, qui in Venetia Varollus, Lupacia in Liguria, in Hetruria
Araneus, & Lupus in Hispania uocitatur. Romanus inter Tyberinos
captus pontes, omnium consensu palmam obtinet, constat enim pesca-
torum testimonio, qui plures illum, quàm in alto captum mari, lautorum
obsonatoribus uendunt. Is admodum uorax subire cloacas solet & me-
dia cryptas intrare Subura, ut ait Iuuenalis. circa sterquiliniam, et cie-
cticias sordes moratur, obuia quæq; deuorat, nec piscibus ullis, uel cornu-
ptissimis escis parcat, paucis ante mensibus quum in foro piscario ingens
Spigola exenteraretur, oblongus serpens in uentre repertus est. Quibus
de causis in Tyberi mirum in modum pinguescit & adolefcit, nec abne-
rim etiam Sturiones subire anem & pinguioribus aquis gaudere, eosq;
tanto sapidiore esse, quanto magis a maris litoribus recesserint. Sed
hac ratione Lupus et Sturio idem esse minime probatur, quum utraque
differentia ambobus æque conueniat. subire enim anem Tyberinam, &
ea pastione gaudere atq; pinguescere, proprium potius Spigola, quàm

Sturionis esse videtur, quoniam non comparamus Sturionem in alto captum, cum eo quem in Urbe expiscamur, quam nunquā fere Sturio nec certe rarissime in præalto mari capitur, ut piscatorum testimonijs clare deprehendimus, at contra Spigola & ex alto mari & ex anne Tyberi quotidie hamis vel retibus extrahatur. Ita ut Horatium id innuisse clare admodum existimemus, quum dicit.

Vnde datum sentis, Lupus hic Tyberinus, an alto
Captus hiet, pontesne inter iactatus, an annis
Hostia sub Tusci? laudas insane trilibrem
Mulum, in singula quem minuas pulmenta necesse est.
Ducit te species nideo. quid pertinet ergo
Proceros odisse Lupos? quia scilicet illis
Maiorem natura modum dedit, his breue pondus.
Leuius stomachus raro uulgaria tenuit.

Patet igitur Lupos capi et in alto, et inter pontes, quod euentissime in Spigolis hodie cōtingit. Facit etiam ad coniecturā non contemnendā illud, captus hiet, quis. n. unquā Sturionē uidit hiantem, quū os sub rostro habeat, et immobile et angustum, quodq; nullo uel uertebrae, uel ductilis mandibula beneficio dilatari potest, in Spigola autē sit repandum et latū, uti semper in ipsis uidemus, soleantq; ad elegantia obsonatores malo Arancio lassatas illas hiantis oris maxillas adimplere. Neq; illud obstitit, quod dicere solebat Amiterninus pertinax grammaticus, qui perpetuas cum syllabis lites exercuit, Horatium scilicet dixisse, proceros odisse Lupos, ut significaret paruos maioribus esse præstantiores, quod adamussim Sturionibus ipsis cōgruere uideatur, quādo Lurcones et diligentissimi quique Ganeonum paruos Sturiones, quos Porcelletas appellant, repudiatis maioribus conficiuntur. Plurimum. n. a Poetae sensibus bonus ille grammaticus aberrabat. Nā Horatius proceros Lupos cū seipsis minoribus nō cōparauit,

sed cum Mulis trilibribus, sicuti panlopost apertissime declarat, dicens maiorem a natura modum Lupis esse datum, qui Mulis parum crescentibus sit denegatus. Verum is tum egregie et magno quidem cum ioco, quum superbe contenderet, a nobis coarguebatur, interrogantibus enim quem non antiquitus pisces fuisse Spigolam putaret, quam adeo libenter ipse edere solet, si Lupus Sturio esse diceretur, respondebat illam esse Squillam, ridendo quidem errore, ut in proprio capite de Squilla quum de Iuuenalis versibus ageretur, diffuse narrabimus. Sed id me plurimum movet, quod Spigola hodie in Hispania Lupus appelletur, quæ una terrarum latinæ linguam magna ex parte incorruptam conservavit, ipsique Ligures proximum latino eius piscis nomen pronuncient. Cæterum ad tollendam huius quæstionis ambiguitatem, Aristotelis sententiam adducemus, ait enim Lupum esse squamigerum et quaternis pinnis innatare. quæ differentie ipsam Sturionem excludere videntur, quum non squamis, sed cute potius aspera contegatur, nec quaternis pinnis ad natandi usum instruitur. Præterea Galenus in tertio de Alimentis Lupum ait, subtiliorem generare sanguinem et propterea cum perdicis carnibus quadam similitudine convenire; quod nemo sanus Medicus Sturioni attribueret audebit, quum crassum potius humorem adgeneret, et valde lentum, quod viscosum dicunt, ipsi; aptius adultæ vitulæ carnibus, quam perdicum lenissimis pulpis æquiparetur. Cornelius quoque Celsus ad corroborandam Galeni auctoritatem, Lupum et Mulum inter pisces lenioris esse alimenti apertissime dicit, quod et nostra quoque experientia cotidie comprobatur. Porro ipse divus Ambrosius in Hexahemero, teneritudinem in lupo mirifice laudat, sicuti Plinius in eodem molliciem extollit, quum nec Sturionis præterea sint carnes, et Luporum longe tenerissima consensu omnium habeantur. Putare etiam Plinium quum Lupos a candore lanarum lanatos dictos asserat, de Sturione intelligere voluisse, quod

Sturionum

Q V A R T V M.

Sturionum carnes plurimum albicare uideantur, quasi Lupi uel argenteorum squamarum candore, uel sianno illo lactearum carminum albore, ceteros omnes pisces non superent. Illud quoque Martialis, Lanens euganei Lupus excipit ora Timani, Eorum opinionem aperte redarguit, quoniam Timanus flumen in finibus Aquileiensem, cuius ostia celebrata a Virgilio, hodie magna ex parte extenuata, obliuataque sunt, Sturiones non habet, qui tamen Varollis et Troctis abundat. Quod si dicatur Martialem pro Timano Medoacum, qui hodie Pataninorum Brenta est, accipere uoluisse, eadem ratione respondemus, quoniam Brenta manifeste, aut nullos, aut certe paucissimos, et quidem minutulos Sturiones ferat, ita ut Martialis celebraturus Sturionem, insulse admodum ad Timanum recurrisse uideatur, quoniam in propinquo Padon habet, et sua magnitudine insignem et multa Sturionum copia longe clarissimum. Ad certiore quoque opinionis nostrae fidem pertinere uidetur, id quod a piscatoribus non sine miraculo de Spigolis hodie recitatur, quos ut hamo haerint, statim discurrere magno nisu, dilatareque uulnera referunt, ut hamorum insidiae excarnificato sponte gutture excident, atque eo modo in libertatem se uendicare, id quod distinet Plinius ipse Aristotelem sicutus commemorat. Ex aduerso autem constat, Sturiones solis retibus capi, nunquam uero hamis, praesertim si cubito maiores fuerint, eosque piscatores referunt, magno impetu plagarum saepe maculas dilatare et abrumperere consueuisse, proptereaque accidere, ut hamis non capiantur, quoniam Sturiones lambendo, sugendoque potius, quam norando, inepto ad escam corripiendam ore ipso sine controuersia alantur. Ceterum id me plurimum admonet, ut Lupum Sturionem esse non posse certissime credam, quoniam et Lupi omnium ferme scriptorum testimonio, et Spigolae hodie, hamorum lineas dentibus serratis abrodere soleant, quod Sturiones ipsos, quoniam dentibus manifeste caveant, efficere

posse nemo sanus affirmaverit. Extat quoque apud Columellam dictum illud Philippi admodum luxuriosum, qui apud hospitem Cassino in oppido, Lupum sibi in cena appositum gustabundus expuit, addens peream inquit, nisi piscem putavi, quasi uellet innuere solos Tyberinos Lupos piscis nomine dignos esse, ceteros autem Lupos inter quisquilias potius, quam inter pisces esse reponendos. ex quo ego plane conijcio illum Lupum Sturionem esse minime potuisse, quando eius tractus amnes, qui sunt in Cassinate agro, & in Arpinatium sinibus, Sturiones non ferant. Quis nam autem fuerit ille Lupus M. Philippi palato ingratus, docebimus, quum de Troctis agatur. Secunda opinio de nomine Sturionis Franciscum Philelphum principem habuit, in qua etiam nunc quosdam nostris Transpadanis exoleta admodum eruditionis, esse uideo. Is ut erat inter imperitos audax, utpote qui rudi illa tempestate Græcarum literarum notitia clarus atque insignis euaserat, Sturionem latine esse Attulam, pluribus per totam Italianam epistolis super ea re conscriptis diuulgauit, indoctos appellans non sine uerborum contumelia, qui secus ac ipse crederet, de uocabulo eius sentire uoluissent. sed tantum abest, ut uerum nomen inueniret, ut ipse dum alios inscitiae bonarum literarum arguere contendit, in aliam aliquanto grauiorem errorem pueriliter sit lapsus. Scribit enim Sturionem nullo modo Lupum esse, quoniam Lupus sine controversia, is hodie sit piscis, qui ab omnibus Lucius appellatur, quoniam lyceos Græce, Lupus sit, qui postmodum inmutata litera in Lucium, deprauantibus latinis abierit. exprimitque Philelphus effigiem illius Lucii oblongi piscis, extenti capitis et oris maxime denticulati, qui furcas per transuersum fascias habet, dorsum item atrum & uentrem admodum candidum, quiq; annibus ac lacubus totius Italiae maxime sit familiaris, quasi præproperus senex non animaduertit Lupum quadrupedem lycum, piscem uero Labracam, a suis Græcis appellari. Sed per deos immortales, quænam

insania fuerit, Lupos tātōpere ab omnibus authoribus cōmendatos, dicere eosdē esse, qui vulgo Lucij vocitētur, quoniam Lucij, plebeia potius inter obsonia censeantur, quā Romæ nobiliū usurpentur mensis, ita ut nunquā, nisi in summa marinorū penuria, sicut aliquādo accidit piscatione tempestatibus sublata, in mensam ueniant, et id tum etiam ad honestandam potius patinam, ut dicunt, quā ad conuiuas eo edulio conciliandos. Dicebat Pogius Lucio, etiam ex Cimino lacu, & ei quidem præpingui nullam unquā inesse gratiā, nisi quum solus in maxima conuiuarum inedia prandis apponeretur. Miror quoq; tātā lectionis hominem apud Ausonium ea carmina minime lectitasse, quibus Lucius ignobilis piscis aliis a Lupo, apud Belgas & Britanos frequens nominatur, ut proprio capite de Lucio mox dicemus. Neq; mirum esse debet, si Lucius apud antiquos parū celebratus esse uideatur, quum paucos præter unum Ausonium, authores curiosus etiam lector sit inuenturus, qui de lacuum & fluminiū piscibus fecerint mentionem, quando lupum inter marinos pisces, qui tamē flumina subeant, ab omnibus adnumerari, Lucium uero nunquā intrare maria, uno totius Europæ consensu manifestissime constet. Cæterum Philadelphus Sturionem antiquitus fuisse Attilum asserbat, unius Plinii auctoritati innixus, qui in nono naturalis historię, quum de Thynnorum magnitudine loqueretur, dicit. Sunt et in quibusdam annibus haud minores, Sylurus in Nilo, Eso in Rheno, Attilus in Pado inertia pinguescens ad mille aliquando libras catenato captus hamo, nec nisi bouum iugis extractus. Quibus adductus uerbis Attilum non posse esse alium a Sturione putauit, quum Sturiones illos prægrandes, qui in Pado caperētur, pisciū eius annis longe maximos arbitraretur, quod manifeste falsissimū est. Nam Attilus is est, qui a Ferrariensibus Adelus seruatō antiquiore uocabulo nuncupatur, piscis inquā ipso Sturione amplior, et effigie, sapore, pretio, et tota fere natura ab eo dissimilis, atq; adeo diuersus,

ut in proverbiū, *Ferrariæ venerit*, quum duas inter se res maxime distantes significare volunt, eas sic differre, ut *Sturionem* ab *Attilo*, dicant. uti *xpper* nobis etiam confirmavit *Ferrariensem* legatio, ab *Alonso Atestino* ad *Clementem Pontificem* missa, cuius erant principes *Casellius* celeberrime iureconsultus, et *Antonius Costabilis* grandævus senex, usu rerū et vitæ splendore insignis. Tertia opinio *Sturionem* apud *Plinium* *Torsionem* fuisse affirmat, cuius præcipuum authorem *Theodorum Gazam* extitisse complures arbitrantur. eam paucis ante annis acerrime defendebat *Longolius Gallus* singularis doctrinæ iuuenis, et qui proculdubio summum latine eloquentiæ fastigium fuisset adeptus, nisi mors immatura eum in medio optimorum studiorum cursu sustulisset. Adducebatur ea maxime ratione, quod *Plinium* uidebat *Sturionis* formam atque naturam in capite de *Torsionibus* expressisse, cum dicit. *Delphinarum* similitudinem habent, qui uocantur *Torsiones*, distant et tristitia quidem affectus, abest enim illa lascivia, maxime tamen rostris canicularum maleficientia assimilati. horum enim uerborum testimonio, *Sturiones* idem qui *Torsiones*, esse uidebatur, atque ea præsertim coniectura, quod, quā minorem quā in *Delphinis* uideamus, cum aspectu ipso, tum natu lasciviam præferant, etiam fistulam habeant, uti in *Delphinis* conspicitur, quāquā diuerso modo a natura sit indita. Nam *Delphini* per suam expirant et refrigerantur fistulam, ea autem pro ore *Sturiones* utuntur, quum uti supra diximus, et per nares et paruas branchias aerem pro uitalibus refrigerandis attrahant, Nonitumque hoc *Sturionis* nomen antiquo *Torsionis* uocabulo plurimum alludere, ipse *Longolius* arbitraretur. Quibus adductus argumentis *Theodorus Gaza*, ut erat in transferendis Græcorum sensibus, *Plinianorum* uerborum observator atque imitator diligentissimus, apud *Aristotelem* in octavo de historia animalium *Phocænam*, *Torsionem* uerterit, ueluti ab ipso *Plinio* uocabulum mutuatus.

Cæterum si bona cum uenia bonis mortuis licet refragari, nos docebimus Theodorum Torsionem pro Sturione nequaquã accepisse, uel si acceperit, plurimum errauisse, Plinium quoq; per Torsionē ipsum quem nunc quærimus, Sturionem significare minime uoluisse. Siquidem Gaza quum Aristotelem latine interpretaretur dicentem in octauo de historijs animalium, In ponto fera nulla est, præter Delphinum et Phocenam. pro phocena Tursionem dixit, quem Phocenam sciebat ab Aristotele inter uiniparos pisces esse connumeratam, quum Aristoteles alios piscium esse ouiparos, alios autem uiniparos, idest qui catulos parerent, dixisset. Nemo autem adeo imperitus est, ut nesciat Sturiones esse ouiparos, ut ex cotidiano usuprehenditur, & ex salsamentis Caviarijs, quæ ex onis Sturionum sine controuersia conficiuntur. Neq; enim credendum est, tantæ eruditionis ac diligentiae hominem, uti fuit Theodorus, adeo pueriliter fuisse hallucinatum, præsertim quum hunc ipsum locum aliter a Plinio fuisse conuersum animaduertetet, qui pro Phocena non Torsionem, sed titulum marinum substituerit, ut diligenter Hermolaus in castigationibus annotauit. Præterea apud Aristotelem Phocena, Sturio esse non potest, quum in sexto de natura animalium ubi eius effigiem exprimit, clarissime dicat Phocenas omnino carere branchijs, sed branchiarum loco fistulam habere, quod Sturionibus minime accidit, quoniam præter fistulam oris, uti diximus, branchias manifeste habent. quãquã paruas & angustas, si illas tantæ molis pisci cõparemus, ita ut Sturio nullo modo Phocena esse possit. Subiungit quoque Aristoteles Phocenam nasci in Ponto, quod de Sturione minime dixisset, quãdo Sturiones omnibus fere in maribus facile reperiantur, magnamq; eorum copiam insignes flumij alant, siue in mare nostrum, siue in ipsum oceanum euoluantur. Quod uero Plinius Torsionem, Sturionem esse putauerit, minime crediderim uel hoc uno argumento, quod Sturionis & magnitudine & frequentia,

Et ipso deniq; pretio admodum celebrati piscis, ab ipso Plinio nullam
 præterquàm hoc uno in loco, mentionem factam esse uideamus, quum uel
 minimos Et in edulij etiam prædamatos pisces, non modo in nono pe-
 culiari aquatilium libro, sed in alijs obiter locis sæpius nominet, atq;
 depingat. Unde putandum est Plinij Torsiones, sicuti Aristoteles asse-
 rebat, in Ponto Euxino potissimum uersari, nec temere per alia maria,
 extra Hellesponti, Thraciæ Bosphori angustias euagari. Porro Pli-
 nius, si uerba Aristotelis consideremus, pro Phocena Torsionem intelle-
 xisse uidetur, qui Torsio eodem teste maleficus est, quoniam canicularum
 rostris assimiletur, Et ipsa quoq; Phocena ab Aristotele ueluti maxime
 malefica feræ nomine nuncupatur. Sed Sturio quomodo maleficus esse
 possit, non uideo, quum dentibus omnino careat, sic fortasse a natura
 formatus quoniam piscibus non alatur. Ridiculum enim esset dicere
 Sturionem in pisces grassari per ipsam tantum lasciniam. Nam magni
 pisces alios persequuntur, ut interemptis ueluti proprio pabulo uescantur.
 Sed ut hanc inueteratam de Torsione opinionem penitus conuellamus,
 paulopost aliam a Torsione Et quidem sæpius ab ipso Plinio celebra-
 tum piscem Sturionem esse monstrabimus. Quarta opinio Hermolai
 Barbari fuit uiri nobilissimorum studiorum gloria insignis, qui roga-
 tus sententiam in tanta eruditorum dissensione, per epistolam Paulo
 Cortesio respondit, Sturionem antiquitus Hyccam fuisse, ex testimonio
 Athenæi hac coniectura adductus, quod Hycca porcum significet, Stu-
 rionem autem porcelletam, quum præsertim sit paruus, appellari a no-
 stris magna eius nominis conformitate. Nihil enim melius hactenus in-
 uenerat Hermolaus, utpote qui ingeniosus Et prudens ineptas iam de
 Lupo, Attilo, ac Torsione opiniones repudiabat. Potuit eum mouere
 Ambrosius, qui in Dominica passione dicit, Gutto siue Gulo Porcel-
 lum amat, ut comedat, quasi per Porcellum Ambrosius Hyccam expresse-

rit, & in Hexahemero ait Iudeos marinis porcis uesci, quibus terrestribus non uescantur. Sed hæc coniectura frigida admodum uidetur, quum alius sit in mari Porcus piscis diuersus a Sturione, hodieq; plures obesi pisces & qui præpingue abdomen habent Porci a piscatoribus appellantur, sicuti Thynnus a Strabone & a Polybio porcum appellatum esse uidemus. Cæterum ipse Hermolaus in Corollario quod Dioscoridis interpretationibus appendit, Iulidas ait uocatos esse porcos, qui tamē longe diuersissimi sint a Sturionibus, Syagrim quoq; piscem appellari potuisse a nomine suis. Athenæus quoq; qui Hyccam authoritate Callimachi sacrum ueluti ob saporis excellentiam appellari dicit, mentionem de alio pisce intulit, quem hyn, idest suem uel aprum nuncuparint. Alij etiam Græcorum Porcum marinum Pſanmatida uel Pſammatin cognominatum putant, ut clare appareat Hermolaum, Hyccam Sturionem esse, pro constanti in ea epistola affirmare minime debuisse, præsertim quum in castigationibus Plinianis & in ipso corollario, de nomine Sturionis plurimum ambigere uideatur, Quem modo Tomum Thurianum posse esse dicat a Thurijs oppido Italie in Brutiorum ora, ut ipse opinatur dictum, alludente uocabuli similitudine, præsertim quum Athenæus asserat Tomum Thurianum in Italia delicatissimum esse obsonium, modo eum putet esse Galeotem uel Xiphiam Strabonis authoritate, modo eum dictum fuisse affirmet Scyllam & Lamiam & Carchaream, ad extremum uero tot nominum diuersitate perplexus fateatur, uel Sturionem antiquitus his appellationibus uocitatum esse uel sic dictum a Thuriano Tomo delicatissimo obsonio, quod tantopere a Græcis celebretur. Sed illud me præsertim mouet, quod nemo authorum quos legerim, præter unum Athenæum de Hycca pariter & Tomo Thuriano fecerit mentionem, quando Sturio celebratissimus piscis, ut sæpius dixi, certo claroq; nomine fuerit appellandus. Verum hæc nostra inuēta, quæ ludendo excogitauimus,

in bonam partem a lectoribus accipi uelim, atque eo animi candore quo scripsimus a doctioribus perpendi. non enim is sum, qui obtreccatione alienae laudis eruditior uideri uelim, quum ulla in parte cum his, quos supra redargui, uel ingenio uel eruditione minime sum conferendus. Igitur in tanta eruditorum altercatione licebit & mihi propriam attulisse opinionem, ita tamen ut cum praefatione prius attester, me tandem in ea sententia permansurum donec aliud, quod magis arriserit, diligentiores inuenerint. Dicamus igitur Sturionem ab antiquis Silurum fuisse appellatum, quem pro Glanii Theodorus apud Aristotelem interpretatur, sed de hoc, quum plures apud me certiores sint coniecturae, hoc uno tamen maxime argumento adducor, ut Sturionem opiner esse Silurum quoniam uirum hercle uideatur, quod hac aetate, quisnam piscium antiquitus Silurus fuerit, penitus ignoremus, qui adeo in mari ac fluminis testimonio Aristotelis, Plinij, Athenaei, & Ausonij sit celebratus, ex aduerso autem de Sturionis antiquo nomine plurimum dubitemus, qui sit omnium fere totius orbis fluminum incola longe notissimus. Neque enim credendum est ueteres adeo insulsi fuisse gustus, ut arbitremur eos Sturionem minime cognouisse, aut Silurum ipsam ueluti aliquo naturae defectu, tota eius generis extincta sobole penitus euanuisse. Silurus auctore Plinio atque Ausonio, fluuiatilis pariter ac marinus est, & quidem praegrandis, sed praecipua magnitudine in Nilo et Gange ueluti annuum maximis. ceterum carum praedulci, nullis ossibus uel spinis interstitis, rostro item, caudaque Delphino simillimus, ita ut compellare eos libeat, qui propterea Torsionem Sturionem esse uolebant, quod effigie ac rostro Delphinis assimilaretur. Id uero me etiam plurimum mouet, quod in Nilo, Borysthene atque Danubio, uti Plinius de Siluris ait, etiam nunc frequentissimos Sturiones esse cognoscamus. Nam in omnibus Nili ostijs & superius prope Memphim Aegyptij Sturionem expiscantur. In Borysthene uero, qui

hodie

hodie Neper est annis; Phasiq; & in ipso Tanai apud Tanam emporiū
 tanta eorum est copia, ut cataria ibi institutæ sint officinæ, in quibus
 ea salsamenta ex Sturionum onis salitis, quæ Caviaria dicimus, itemq;
 ipsa Schinalia ex summo Sturionis spinali dorso, sale, fumoq; inneterata
 conficiantur. In Danubio autem adeo frequentes sicut, & magni, ut
 ex eo minores etiam annes subeant, qui in ipsum influunt, sicuti Draua,
 Saron & Tybiscan, & ut mirum non sit, eos etiam Menim annem sus-
 bire sicuti Plinius ait, propter Lisbonn, in quo Siluri, ut in Danubio,
 innatantes equos deprimant. Menim autem cum Hermolao eum annum
 esse putaverim, qui alio nomine dicitur Oenus. is Suenorum gentem &
 Vindelicia ab Austris, qui Norici sunt, diuidit; Danubioq; miscetur,
 ita ut ab Istro Istrionem piscem hunc esse dictum putem, quo in anne sit
 insignis, ut hodie uidemus & Athenæo placet. qui Siluriam Istrionem
 sine Danubianum honoris atq; excellentiæ causa ubiq; nominant. Sed
 audiamus Ausonium de Siluro in Mosella canentem, qui ignobiles etiam
 Tincas minime præterijt.

Nunc pecus æquorum celebrare magne Silure,

Quem uelut actæo perductum tergora olino

Amnicolam delphina reor, sic per freta magnam

Laberis, & longi uix corporis agmina soluis

Aut breuibus defensa nadis, aut fluminis uluis,

Aut quum tranquillos moliris in anne meatus

Te nirdes ripæ, te carula turba natantem

Te liquida mirantur aquæ. diffunditur alueo

Aestus, & extremi procutruunt margine fluctus.

Talis atlantiaco quondam balæna profundo.

Quid enim certius notari, exprimere potuit his uersibus quæ pro Stu-
 rione Silurus? qui et magnus et fluuiialis pariter ac marinus, et Delphino

*similis ac ipso tergore uerum olei colorem referre uideatur. conueniunt
 profecto haec omnia Sturioni & quidem admissim, ita ut necesse sit,
 eos qui id negauerint, & afferre aliquem magnum pisces ex his flumi-
 nibus pro Siluro, qui sit a Sturione diuersus, & alium ostendere apud
 Ausoniam per quem Poeta Sturionem uoluerit demonstrare. Non enim
 creabile est, eum qui minimos quosq; fluuiatiles propria nomenclatura
 persecutus est, ipsum Sturionem proculdubio uel sua magnitudine, uel
 dignitate amnicularum regem adeo somniculose praeterisse. Illud quoq;
 opinioni nostrae aliqua ex parte suffragatur, quod in Canaria insula
 omnibus (ea ad Atlanticum uergit oceanum) multi ac optimi Sturiones
 piscatione capiuntur, uti Hispani, Lusitaniq; referunt. qui dum novas
 incogniti orbis terras inusitata, ac admirabili navigatione per immen-
 sum oceanum quaerunt, Fortunatis insulis aquationis gratia quotidie
 applicant. Cuius Canaria omnes ipse Plinius Siluris abundare com-
 morat, neq; mirum est, quum is piscis omnium magnorum amnium sit sa-
 miliaris, uti in Thamesi Britanniae, alijsq; amnibus, qui in oceanum erum-
 punt, manifeste conspicimus. Hispania autem omnis Sturionem, Sulium
 appellat, ita ut parum ea uox a Siluro qui item & Sulius dicitur, abesse
 uideatur. quando, ut ante dictum est, una terrarum Hispania ueterem
 Romanae linguae sonum, atq; ipsa uocabula non sine rubore dediscantis
 Italiae retinuerit. Quomodo autem Siluri in Sturiones abierint, nuper
 docuit et quidem, ut arbitror, felicissime inuenit Michael Syluius apud
 Clementem Pontificem Lusitaniae regis legatus, qui uti est optimarum
 literarum atq; omnis antiquitatis scientissimus, testatur Sulios longe opti-
 mos, omnium confessione in Asturia reperiri, unde Asturiones dicti sint,
 ueluti ab regione nobilissimos producente. nouum cognomentum, uetere
 repudiato nomine retulisse uideantur. Diuus quoq; Ambrosius opinioni
 huic nostrae astipulatur, quum dicit Silurus de aliorum piscium uermis.*

bus nunt: Sturiones nāque uti diximus, grandiusculos pisces denora-
nequeunt, quon ore sub rostro a natura constituto, non facile nisi minu-
tissimos corripiant, & propterea solis suctionibus nutriantur, ut etiam
Albertus magnus asserit, apparetq; hodie in his euisceratis, in quorum
ventriculo qui perangustus est, nunquam denorati pisces reperiuntur.
Subdit tamen Ambrosius, inutilis sæpe præda piscantium, ut videatur
in edulijs Silurum minime cōmendare, sed ego, in, syllabam temere a libra-
rijs additam putauerim, siquidem Silurus apud Atheniensem dicitur sapi-
dissimus, quon enim Latum piscem Siculo in mari frequentem uellet
laudare, a carnis candore, suauitateq; eum Danubiano Siluro compara-
uit, neq; illud Plinij parum conuenire Sturioni autumauerim, quon dicit
Silurus carne prædulci, nullis ossibus, spinisue interstitis, quon Sturio-
nem habere ossa manifeste appareat. Existimo enim Plinium intelligere
uoluisse Silurū una tantum perpetua, qua traiecitur, spina esse contentū,
nullasq; subinde spinas (uti in alijs accidit) a sphondylis oriri, quibus
tota caro, corporisq; ambitus ueluti costis sapiatur, delicatq; illæ pulpæ
multo cum fastidio, tum periculo comedentium contineantur. Cæterum
uti ego arbitror, Sturiones non eo in pretio fuere antiquioribus, uti no-
stris temporibus uidemus, siue quod eius caro per se dura & multo muco-
re pinguedinis repleta celeriter sui desiderium primis mensæ congressibus
auferat, siue quod pergrauis, ac molesta tenuioribus stomachis esse de-
prehendatur. uidetur & nonnullis Inuenalem, nilen omnino piscem Si-
lurū amotasse, quon dixit, Vendere municipes fracta de merce Siluros,
sed uenditorem potius nilen quam mercem ipsam, hoc est Crispinum ab
Aegypto, Inuenalem inuuisse crediderim, qui Siluros fractos idest
membratim cæsos, uti hodie uidemus, aliquando in humiliore fortuna
neditarit. Quo in loco Inuenalis, Georgius Merula oculatissimus græ-
maticus Siluros non esse multū absimiles a Sturionibus arbitratur, ut pote-

qui iam animaduerterat illos qui Lupum, Attilumue, Torsionemq; & Hyccam, Sturionem dicerent, a veritate plurimum errauisse. Quantum autem pertinet ad piscis naturam, dicimus enim tarde concoqui & propterea ex eius excretionibus multam generari pituitam. Vitum eius carnis aliqua ex parte tolleretur, si in tabellas pollicis digiti crassitudine secaretur, torrereturq; in craticula, & quidem ex precepto Galeni, oleo, sale, acetoq; leni, atque iterata aspergine inditis, sed qui palato potius, quàm stomacho studere nidentur, elixum enim cum leucophago passim comedunt. Is quum toto fere capiatur anni circuitu, aestate tamen adulta longe probatissimus aestimatur. Siluri felle cum Attico melle permisto suffusos bonum oculos ueteres inungebant, ut Aetius affirmat, qui medicæ artis præcepta Græco sermone conscripsit. Sed id potius ex eius humoris acredine, quàm ab occultiore Siluri piscis proprietate provenire putauerim, quum etiam ex felle quadrupedum ac uolucrum & inter alias Perdicarum, agris hominum oculis nota collyria iniicere soleamus.

De Vmbrina Caput. V.

Secundum Siluros Sciana e grandibus primam saporis obtinet claritatem. Eam. M. Varro & Columella Vmbram appellant, quam & Eunius quoq; celebravit, ut ex Apuleio deprehenditur, dum ait, Melanurion, Turdion, Merulamq; Vmbramq; marinam. Hæc tota latioribus squamis integitur, denticulata est, & Aristotelis, Plinijq; authoritate in capite lapidem habere consuevit. agilis est & plurimùm vorax. Propterea Ausonius ait, celer Vmbra natatu. Capitur cū Siluris frequenter circa ostia flumionum & in alto etiam, quod Siluris nō contingit. ipsa quoq; canicularibus diebus pinguescit, pariq; fere pretio cum Siluris aestatis tempore uenundatur. eā hodie Romani Vmbrinam vocat.

Vide Melanurion in hestano.

Capita Vmbrarum, sicuti & Silurorum Triumviris rei Romanae Conseruatoribus dono dantur, qui piscatores inueterata quadam cōsuetudine eorum capitum tributū nomine uectigales fecerunt. Capiti enim summa inest gratia, authoritate etiam Arcestrati, qui in parandis obsonijs, quod eorum ingeniosissimus esset artifex, Dædalus a Græcis appellabatur. Is Vmbrini capitis nobilem quandam condituram, ut apud Athenæum uidere est, multis carminibus expressit. propterea hodie etiā quum pretio parari non possint, gulosi ea capita quā auarissime confectantur. Extat adhuc in ore quorundam facetorum ridenda fabula de T. Tamisio, qui Romanis, aulicisq; salubris erat insignis, sed gula adeo prostituta, ut infamis haberetur. Is quum per seruum, qui in foro piscario in eam curā intentus excubare solebat, ingentis Vmbrinae caput Triumviris delatum esse cognouisset, in Capitolium protinus ascendit, ut simulato apud magistratum negotio, sermoneq; de industria protracto, prandium captaret. Verum illud Triumviri iam Riario Cardinali donandum decreuerant, ita Tamisius quon limine curiæ efferri ingenti, coronataq; patina caput illud nobile confrexisset, primo deceptus consilio, illud subsecutus est præmissa seruo, qui uestigijs deferentium ministrorum insisteret. Nec multo post quum Riarianis ædibus inferretur, bene habet, salua res est, inquit Tamisius, opipare excepiemur. erat enim in primis mensæ Riariana, quæ longe omnium semper lautissima fuit, familiaris. Riarius, ut erat natura munificus, maximum inquit hoc Triumvirale caput maximo debetur Cardinali, statimq; Federico Sansueuino proteuitatis admirandæ Cardinali transmittitur. colligit extemplo togam Tamisius, Riarium intempestiue munificentia incensans, in mulamq; resilit, & minus ad Sansueirianam domum consequitur. Idem pari liberalitate facit Federicus, caputq; ipsum splendidis exornatum uerbis auratq; illatum patina Christo Publicano ditissimo deferri iubet, quod ei multo ære alieno grātibuset.

usuris obstrictus erat. Volitat tertia iam spe auisdam frustratus gulam
 aestuans Tamisius, festinabundusq; incalcescente iam die in transyberinos
 hortos quos ipse Chisus magnificentissimos extruebat, contendit. Ibiq;
 fessus admodum & multo sulore madidus, quod gravis erat abdominis,
 quarto a fortuna decipitur, quippe qui Chisum caput illud recentibus
 floribus redimitum adamato scorto cui ab forma, eruditisq; illecebris
 Imperia cognomen fuit, ut extemplo deferretur curantem reperit. Fle-
 etit itaq; indignabundus habenas retro, nec tamen subivatus gula, quae
 herculeos labores attulerat & ad Imperiam iam multo sole Sisti Pontis
 semitam exurente, adequitat. Ad extremum anhelantis gula ea vis atq;
 libido fuit, ut qui per totam urbem fuerat raptatus, idem & togatus
 & senex cum scorto admirante novi hominis aduentum, nullo pudore
 discubuerit, sic ut mirari desinamus Apitium, qui ut ait Athenaeus, cum
 Linterni Aspacos caneros piscaretur, audissetq; longe maximos & nobi-
 lissimos in litore Aphrico reperiri, eo prope stimulante gula, insigni
 nauigio delatus est. Statimq; prius quam in terram descenderet, occur-
 rentibus ibi piscatoribus cum aspacis, quod fame expectationiq; minime
 respondissent, protinus conuersis uelis, nec salutata quidem Aphrica, in
 Italiam ad grandiores aspacos sit reuersus. Caeterum eadem prope Um-
 brinae ac Siluro carnum conditio. utraq; enim, ut diximus, non me-
 diocre imbecillioribus stomachis negotium facere consueverunt.

De Thymo Caput. VI.

Thymi multitudine sua omnibus litoribus sunt noti, gregatim na-
 gantur, ob id in Euriptis maxima eorum est captura. Irrumpunt
 Maio mense in mare nostrum ab Atlantico Oceano cogentibus Xyphijs,
 Hoc est Spathis piscibus, qui telo a rostris prominente instructi eos toto

mari persequuntur. Simplicissimi sunt Piscium, propterea vel inanibus
 terriculamentis acti facile uadis atq; litoribus intruduntur. eo modo Ga-
 ditatus populus infinitam eorum multitudinem magno quasi, solenni-
 spectaculo retibus extrahit. Saturantur inde captorum recentibus pulpis
 circumfusæ gentes, reliqua illorum multitudo cetarijs infertur, sali-
 turq; . asseruati uero membratim cadis celebri mercimonio per omnem
 fere Europam diffunduntur. uerum solo abdomine ualent, quæ pars a
 Romanis Tarentellum dicitur, quod etiam Tarentino in sum, ubi opi-
 ma piscium omnium captura est, Thynni sale asseruentur, reliquæ cor-
 poris partes, utpote quæ pingui succo admodum careant, in ignobilis
 populi usum ueniunt, quæ Melandrya a Plinio nuncupantur. Primus
 ab ipso statim orio Thymorum fetus Cordylla dicitur, qui mox in Li-
 marias euadit, ex Limarijs autem adolescentibus Pelamides fiunt, sic a
 luto dictæ, quas nunc etiâ Palamias uocamus. quæ uero Pelamides pedan-
 tem excessere magnitudinē, in Thymos abeunt. Porro ex Thymis (ut
 Athenæo placet authoritate Sostrati) quæ in summū excreuerint, Orcyni
 infesti cæteris piscibus efficiuntur. Adeo. n. Thynni augentur, ut Plinii
 testimonio eandē eorū latitudinis duorū cubitorū reperiantur, qui postea
 quindecim talentis pependerit. Sed huic opinioni aduersari uidetur
 Aristoteles, quoniam assereret Thymos biennio uita finire, idq; esse com-
 pertum uerisimili admodum ratione, quoniam certo anno eam piscatoria
 bus Limaria defecissent, Thymi etiam sequenti anno defecerunt, ue-
 luti omnibus ferme captis Limarijs nulla reliquæ superfuerint, quæ in
 Thymos adolescere potuerint, ita ut credam Thymos biennij ætate
 excedentes alijs nominibus appellari, ut Orcynus & Pompilus nauigio-
 rum comes, quem de genere Thymorum esse Plinius arbitrat. Circa
 portum caniculæ Oestrum patiuntur, parua animante sub pinnis aculeum
 infigente, quo dolore incitati nauigia plerūq; transuolant. Idem accidit

Xyphijs, quos modo nominavi. Capiuntur ij circa *Zephyrium* quod extremum est Italiae promontorium, Spartiuentum a nautis hodie nuncupatum. Retulit Ioannes Marinus Catanensis Novariensis multarum literarum notitia insignis, qui Locrensi in litore *Xyphiorum* piscationi interfuit, eos tanta esse ingenij docilitate, ut Graecanicum sermonem, quo ille magnae Graeciae tractus utitur, ab Italico distinguere uideantur, idq; admirandis arguientisprehendi, quum Graecas uoces minime reformident, ad Italicarum uero sonum repente diffugiant, quod complures Brutij testati sunt. It in Oceano Indico, in tantam augentur magnitudinem, ut ualidissimis rostris Lusitanarum nauium latera ad sesquipalium aliquando perforarint. *Xyphij* bonitate & pretio Siluris ferme sunt aequales, uerum haec litora raro adeunt, ueluti qui perpetuis maris aestibus ut in freto accidit Siculo, gaudere uideantur. propterea *Xyphij* forma, ut in alijs fiet piscibus, pictura non exprimetur, quod etiam uidere hactenus mihi non contigerit. Sed *Thynni* pariter ac *Xiphij*, quum Oestrin patiuntur, ueluti noxij damnantur mensis. Ceterum *Thyni* eximie pinguescunt, adeo ut porci iure ipso nuncupentur, cum etiam, ut Polybius tradit, in profundis litoribus, uti Porci solent, glandibus uescantur. *Thynni* recenti pulpa iuxta uentrem, ipsoq; pingui sumine, sicuti palato grati, ita stomachis languidioribus, quibus nauisam pariunt, ualde iniunici. circa uero dorsum & caudam, contraria ratione, quemadmodum ab nimia ariditate parum delectant, ita superfluo nudati humore minus efficiunt. Falconius Etruscus plebeius ganeo, sed eruditioris gula, quum in Hispania cetarijs praeset, nouum ac sapidissimū obsonij genus e *Thyn* norum uentre commentus est, circumciso abdomine umbilicos enucleando, & sale, acetoq; & feniculo inelisos cadulis condiendo, ita ut mox id cibarij genus pleriq; appeterent, ac propter incunctatam mirarentur, quem modo & inutilem ex officinis euertere consueuissent. Sed in uni-
uersum.

uerjam saliti Thynni, sicuti uim alleuandi intermōrtui gustus misericordiam habent, ita multa b le aggerata. sanguine incendere, iecinoraq. adure re consueverunt. Recentes pulpa rectissime coquuntur in uino corsicano. Et oleo, pipere etiam cum cepis minutatim casis superaddito, quod ge nus condimenti Azemimum ligures uocant: Pelamides autem multum nutriunt Et urinam cient, sed tarde concoquuntur auctore Athenaeo, qui tamen eas salitas stomachis conferre testatur. At Thymorion iecinoribus mira proprietas inesse traditur ad prohibendam pectorum languinem, improbo quidem Mangonum inuento, qui quoniam uires castrare, dirum atq. crudele nimis ducerent, ipsa tamen uirilitalis initia retardare, ueluti proposita plenior libidine contendebant.

De Lechia Coput. VII.

Est Et alius Generosus piscis magnitudine atq. colore medius inter Thynnium Et Vmbram, quem Romani pariter Et Ligures Lechiam appellant. Eam aliqui Centrinam antiquitus fuisse arbitrantur, quoniam pugnacissima sit Et atris solidioribusq. aculeis, quāquā non omnino longis circa dorsum armata, ut Oppianus de Centrina expresse rit. At Lechia corio integitur minime squameo, sicuti in Thynnis uidemus, sed leni Et splendido, quod argenteum est, Et caruleo colore persusum, caudae nero pinna crescentis lunae figuram efficit, concava illa rotunditate ad circini ductum effigiata. Eius etiam generis, quae latiorē habet uentrē, uulgo piscatores Lopidam Et alium Lopida aliquāto minorem Stellam appellant. Ego Lechiam antiquitus fuisse Amiam putauerim, quā Plinius cum Thynnis exire Pontum asserit. nam tota specie maxime Thynnis cognata esse uidetur, Et Oppianus audaces Amias appellat, quas comparat Thynnis Et inire praelia cum Delphinis dicit.

Aristoteles quoq; Amias carminoras esse, & serratos habere dentes, branchiasq; contextas testatur. quæ branchiæ adeo patulæ mihi minime videntur in Lechia uti in alijs, veluti Vmbrijs & Lupis & Coracinis conspiciamus. Sed ut de hoc nihil certi proferam, verba Oppiani me mouent, qui dicit Amias hirundinum more Delphinorum exsugere sanguinē, quod Lechijs attribui iure non potest, quum & in trepidalem crescant magnitudinem, & peracutis dentibus, solidisq; aculeis sunt instructæ, quibus armis non sugendo, sed pugnando per vulnera & eadem de Delphino victoriam consequantur. Verum hoc de minoribus fortasse Amijs dixisse Oppianum aliquis existimabit. Illud quoque Aristotelis de Amijs parum Lechijs conuenire videtur, ait enim propterea Amias sic dictas, quod gregatim uagentur, Lechias autem solitarias sæpius capi manifestum est, quod raro accideret si turmatim, uti Thynni, & plerique alij pisces per altum & litora deferrentur. Caterum ut Amiam hodie Lechiam esse credamus, etiam id argumento esse potest, quod Amia & pratenera & gustui suauissima carne a Græcis authoribus esse traduntur. Nam uti citat Athenæus, et Epicharmi, qui de Sirenibus scripsit, & Archippi antiquissimi Poetæ carmina extant, quibus Amia ab ipsa gratiore pinguedine magnopere cōmendantur, ipse quoq; Archestratus, qui uniuersam terram, cunctaq; maria peragrasse uisus est, ut gulæ delitias, singula ubiq; edulia explorando, gustandoq; diligenter exquireret, Amiam ueluti nobilissimū piscem in nuptijs Hebes celebravit, docuitq; solēni præcepto eam felicissime coqui, si confersa origano, & inuoluta iunco, cucurbitaq; folijs ad prohibendū succi delicatioris effluuium mitioribus flammis torreretur. Modo autē constat Lechiam laudatissimo samine & sapore præpinguium pulparum esse pretiosam, cuius capita Sturionum, Vmbriarumq; capitibus Romæ omnium indicio præferuntur. Probatissima attem in Ligustinis litoribus capitur. Ottobonus Fliscus genere ac hospi-

talitate illustris, quum Genue essem, festino matronarum conuiuio tricubilem nobis apposuit Lechiam, quæ non modo Romanorum, sed & Pelagiorum piscium omnium laudes magno intervallo superauit, ita ut alij qui subtilioris gulæ homines pulparum suauitate allecti semesa ex Lechijs obsonia in contumeliam auisum atq; quadrupedum, in alterum diem reponi sibi plerumq; præcipiant. Quo fit ut Lechiam proculdubio fuisse Amiam fateamur, quum nullum, qui insigni sapore præstet, piscem sine certo Latino nomine sinus relicturi, & nullus ab ipsa Lechia piscis hodie nobis occurrat, quæ Amia nomine appellare audeamus. Neq; n. mihi persuaderi potest, ut eâ in illorum sententiam, qui Lechiam eum esse piscem credunt, quæ pro Sturione Hyccam putauit Hermolaus, eo leui argumeto, quod Hycca præposito articulo, sicuti nunc Italiae ueterem elocutionem mittentis mos est, in Lechiâ abiisse uideatur. Porro Iosephus in libro de materia Amias ab optimo succo, teneritudineq; commendauit, atq; non multa cum difficultate in uentriculis secerni, sed non multum omnino præbere nutrimentum.

De Corno. Caput. VIII.

Corum eundem esse & Coracinum Theodorus Gaza existimare uidetur, ueluti a Corno Cornulus, siue Coracinus descendat: cui Hermolaus & Volaterranus refragantur, quoniam auctoritate Athenæi Coracinus a uerbo Græco quod genas, oculosq; frequenter mouere significat, non autem a Corno, qui Græce sit Corax, dictum existiment. Ego autem secus ac Volaterranus putat, Corum genere ipso a Coracino maxime differre arbitror, ea maxime ratione quod de Corno nullam fere a probatis scriptoribus mentionem fieri constet, auctoritate uero omnium antiquorum Coracinus sit et latus piscis et subniger et squamosus, quæ differentie ei, quem nos hodie Cornum appellamus, manifeste consentiunt.

nam Cornus gibberosus est & proportione ceterorum squamosorum admodum latus videtur, uti accidit Coracinis, quos Parmenio Rhodius, qui scripsit de re coquinaria, ut allegat Athenæus, Platistaticos a latitudine corporis appellauit. Nigricantes quoq; in Cornis pinnas conficiamus, quas Aristophanes in libro de palustribus, Coracinis attribuit. Sunt enim pelagij & fluuiales Coracini. Verum hæc nostra flumina nullos aut certe rarissimos ferunt, in Nilo tamen Plinio Martialeq; authoribus, et in amne Bethi ulterioris Hispaniæ reperiuntur, Gadibus uero & circa fretum Herculeum laudatissimi sunt ac maximi, pares Niloticis capiuntur, quos Zeos, & item Fabros a colore atræ fuliginis appellabant. Coracinus ex his est piscibus, qui eömode, atq; feliciter saliantur, sicuti Galenus in libro de alimentis refert. eum salitum Entidemus apud Athenæum, qui de salsamentis scripsit, Saperdam uocari affirmat. Ita ut Persius idem intellexisse uideatur, cum dicit, Saperdamq; aduehe Ponto.

Nos uero cum astate frequentius, quā hyeme, ut Plinius etiā author est, eum capiamus, feruenti oleo ad mediam cocturam mergere, & extractum protinus sale, acetoq; in sportulis myrti folijs certo ordine substratis reponere solemus, qua industria aduersus cunctam caloris contumeliam per hebdomadas asseruatur. Coracinus & præsertim Niloticus perdulces habet carnes, quem uero proximis litoribus expiscamur tripedalem ad summum non excedit magnitudinem, sed carne & aridiuscula, & ob id ab his qui gula dilictius student, parum laudata. Athenæus elixotum meliorem esse testatur, nos uero contraria consuetudine quoniam recentes, & graves nanciscimur, æneis excoquimus cacabis simplici in aqua, extractūq; uirentibus petroselini folijs coronamus, sicuti etiam fit in Vmbris, quas & sapore & squamarum latitudine plurimum referunt. Neq; id inepta ratione, nam duriores eorum pulpa omnium penitus sapo

Handwritten notes at the top of the page:
pauca... *Handwritten text in the margin:* *ad p... m.*

OCTAVVM

vis gratiam amitterent, nisi aliquo iuris lenocinio ab innata illa duricie mollirentur. Ceterum quâquâ concocti sunt difficiles paralyticis tamē mire conferunt, ut auctor est ille Plinius qui de Medicina librum conscripsit. In Coracini capite lapillus inuenitur quem Puerorum collo pro amuletis suspensum regio morbo aduersari, ignobiles quidam authores tradiderunt.

De Spigola sine Lupo. Caput. IX.

Handwritten note: *Trigilia mules.*
Lupum antiquitus fuisse, quem Romani Spigolam, Varollum Veneti, Etrusci Araxean, Hispani Lupum, Ligures vero Lupaciū appellant, in capite de Siluro diffuse monstrauimus. solertissimus pisciū habetur, & idem delicatissimus praesertim e Tyberi, & inter duos pontes, quod aqua subiecti fluminis ab multis cloacation effusionibus pinguiorem escam subeuntibus prebeant. Lupus hamo captus uulnera contempto dolore fortissime laxat, & excusso hamo protinus refugit. inclusus uero retibus imis in uadis sulcum crebro motu cauda, reiectis harenis facit, atq; ita subterlabitur, ut Oppianus auctor est, & hodie piscatores maioribus etiam miraculis additis, uno consensu fatentur. Propterea ab ipsa nehemētia a Graecis Labrax appellatur. Parit bis in anno Lupus, ut Aristoteli placet. summa inest saporis gratia hyeme captis, & Ianuario praesertim mense, tunc enim et teneritudine, ut diuus ait Ambrosius, et mollicie, candoreq; ut Plinius asseuerat, maxime commendantur. Luporum aliqui sunt lanati uel lanei a candore, ut Plinio, Martialisq; uidetur, aliqui narij, ut Columella placet, qui in piscinis ait, includi posse Lupos sine macula, quos scernit ab his qui Varii sunt, ita ut proculdubio credam Varios maiores apud Ambrosium esse de genere Luporum, quos et Troctas appellat. Troctam enim esse Lupini generis apparet, ut aspectu, utnaq; naturae collatione perspicitur, ut Latius

in capite proprio de Trocta differemus. Caterum Luporum carnes in ratione naturalitatis a Galeno mirifice laudantur, quod subtiliorem generent sanguinem & perdidicis carnibus aequiperentur. Athenæus autem Lupos ait boni esse succi, & non multi nutrimenti, quorum tamen superfluitates non facile discernantur, sed Cornelius Celsus Lupos sienti & Mulos lenioris esse alimenti testatus est.

De Cephalo.

Caput. X. *Mugiles.*

Mugiles Græco nomine Cephalos Romani vocant, qui in plura genera partiuntur. Aliqui enim a capitis amplitudine Capitones, aliqui a prominulis inferioribus labris Labrones, qui hæc cognomina Romanis familijs indiderunt, alij i' e' n Cestres, alij Bacchi, alij demum Myxini & Chelones & Leuchisti & Mucones appellantur. Capitones mense Decembri grauescere, ait Aristoteles, qui id genus piscium & in mari et in stagnis et in fluminibus gigni, ut videmus, asseruat. in universum Mugiles sunt velocitate admirabili, ut sagittæ arcu emissæ, quum lasciniant, vel retia saltu transuolant, esse videantur, e mari aliquando omnes, et ex fluminibus ipsa maria ingrediuntur. animal est minime maleficum, n'pote quod alia tantum ac herbis atq; his, quæ in profundo uado ac ripis sunt, quisquilijs nutriatur. propterea cæteri pisces, qui minime in alios grassari solent, Mugilem, ut sanctum ac optimum in honore habent et venerantur. Probat eos Galenus, qui marinis siccibus exercentur, eos vero, qui in stagnis, et fluminibus urbium sordes et sterquilinia alluentibus maxime detestabiles asseruat, quod ex eo alimento admodum seculento vitium contrahant. Dorionis quoq; auaritate marini fluminalibus præponitur, sed ij præsertim sunt pessimi, qui sua sponte in stagnis atq; paludibus ex limo nascidicuntur, ut sunt qui in Etruria ex Aprillino lacu apud

apud Aprillinum.

Orbatellū ad mediterranea deferūtur, ita ut et illos etiā nituperare liceat, quos Padusæ atq; ipsi lutulenti Fossæ Clodia canales, miscere pratenero Ferrariensibus & Venetis gratos copiosissime præbent. Icesius Græcus author Athenæo perquā familiaris, idem et coquus et medicus Cephalos et gustui gratos & laudabilis succi esse asserit. Galenus vero eos tardissime & multo quidem ventriculi cū labore digeri atq; scerni prædicat, præcipitq; in eorum conditura debere addi herbam Origanū, cuius virtute facilius excursus ad ventrem inferiorem fieri videatur, eos tamē salitos minus noxios esse testatus est. Nos vero Cephalos omnes plenius eos in cana comedentibus dolorem capitis, quē morbū medici recentiores Cephaleam dicunt, post paucas horas inducere sæpe deprehendimus, maxime si ad lautiores canas stomachi tenuiores accesserint.

Bepha.

origanum

alind.

De Aurata.

Caput. XI.

V Eteres non modo Auratam piscem in honore habuerunt, sed & Sergij Romani Patritij luxuriosa eius Piscis æstimatione perpetuum familiæ cognomentum fecere. siquidem a mari, Auratarum, aliorumq; pelagiorum piscium semina atq; uinaria in mediterraneos lacus deferabant, ut in obsequium popinarum tralata marniderentur, quæ pretiosa edulia dulcioribus denegata undis improbo opulentiorem studio, cotidianis canis copiose suggererent. sic Auratas, Lupos & Marenas suburbani Lacus, Sabatinus & Ciminus et multo remotiores Vulsinensis et Velinus aliquando procreant, quæ seminaria degenerante sobole, quum externi pisces parum feliciter alienis in sedibus provenirent, paulatim interiere. Ex Auratis quæ toto passim mari, mira fecunditate progignuntur, Tarenti nam antiquiores prætulerunt, sed eam maxime quæ illata Lucrinis

Bepha. J. lacus suburb.

Tarenti

Lucrinis

stagnis Concharum esu pinguesceret, ut ait Martialis illo in carmine.

Non omnis laudem, pretiumq; Aurata meretur.

Sed cui solus erit Concha lucina cibus.

Nonnulli optimorum studiorum laude insignes existimant inter Auratas Searum illum antiquis pretiosissimum piscem a piscatoribus uendi, qui dentes humanis similes & ad ruminandas maris herbas plurimum idoneos habeat, maximeq; squamarum specie Auratis assimiletur. ceterum ego crediderim eum non facile a nobis deprehendi, errore uendentium, qui similitudine decepti, neq; animaduersa saporis nobilitate in foro piscario eum Auratis & Sargis commiscere consueverint. consensu tamen piscatorum Zaphirus piscis, sic a ciano eius gemmae colore dictus, inter Auratas longe sapidissimus existimatur, qui fortasse Searus antiquis fuerit. Porro Aurata aestate raro, hyeme autem frequentissime capiuntur, quae tum laudatioribus existunt. ipsae inter ceteros pisces peculiari quadam dote, singularem & saporis simul & salubritatis gratiam obtinent, auctore Cornelio Celso, qui eas in ratione agrorum alendorum leuioris nutrimenti existimauit. Recte coquantur si ex praecepto Galeni, eas in craticula subditis mitioribus prunis, oleo & sale, acetoq; consperferis.

De Dentice. Caput. XII.

dentice

Synodontes pisces, Latini Dentices uocant proximos Auratis & Pagris, habent enim prominulos dentes & sunt lati, subrubraque uarietate conspiciuntur, appellatur & hic Sinodus a Graecis alio nomine Charax idest uallatus, uti est perpetua extantium dentium serie septus. Atheniensium enim in fretis longe optimum esse ait, qui & salubrior est Galeno auctore, quum in uniuersum meliores euadant, quos plurima iactatione inquieti, aestuosq; maria fatigarint. eum Aetius Sincerus Neapolitanus huius

etatis

etatis Poeta nobilissimus in lusibus piscatoriis celebravit, quum dicit.

Dat Rhombos Sinuessa, Dicarchi litora Pagros.

Hereuleæ Mulum rupes, Sinodontas Amalphis.

Sinodum Latini veteres pariter ac neoterici vulgo Denticem appellant, probantque eum ex Illyrico Dalmatiæque litoribus & præsertim ex Salona atque Tragurio, quæ gentes concisum in frustra & semucotum multo croceo & perspicuo gelu condiunt, cadisque includunt, ita ut toto ferme anno per omnem Italiam & Romæ idem advectitius & recentissimus habeatur. Id genus autem obsonii Medici magnopere detestantur, & ante alios Petrus Aponensis, qui rudi illa tempestate divini conciliatoris cognomentum in ea optimarum literarum strage promeruit. Is enim pisces semel coctos, asservatosque & præsertim vasorum conclusos *da Abano*
ano.
in la
X operculis mortiferam qualitatem adquirere, mandentesque certo plenique veneno inficere, ratione, atque experimento deprehendisse affirmant.

De Fragolino.

Caput. XIII.

A Vratas sequuntur Pagri, siue Phagri, Fragolini vulgo dicti, ex his qui assantur piscibus longe probatissimi. sunt enim & gustui gratiores, & stomacho nequaquam molesti, n'pote qui rationabiliter febri-
citantibus ipsis conceduntur. nam præter id quod de omnibus saxati-
libus Anicena intellexit, Pagri nullam viscosi, lentique humoris exuber-
rantiam habent, qui etiam ipso iure conceduntur, quoniam quum univ-
sum piscium genus frigida atque humida sit naturæ, humida frigidaque
cibaria febriçantibus, Hippocratis autoritate debentur, ut aliquando
mirer quosdam scrupulosiores medicos, quum febris adfit, totum prope
piscium genus prædānare. Phagros Romani & magna pars Tyribeni
litoris accolarum Fragolinos, Veneti Albore, ipsi vero Ligures antiquo

seruato nomine Pagros appellant, quos, quoniam sesquipalmi magnitudinem
 exceßerint, in Dentes sine Synodontas euadere communis piscatorum
 consensus existimauit. Si pisces a colore ipso (apparent enim rubro nino
 madefacti) Erythrinis & Iecinoribus piscibus assimilantur auctore
 Spensippo, ut ait Athenæus. cuius testimonio manifeste reprehenditur,
 qui fragolinos Oppiano, atque Aristoteli Erythrinos esse putant, quos
 Theodorus Gaza latine Rubeculas interpretatus est, quoniam ibi Athenæus
 Phagros Erythrinis comparat, qui sint genere diuersi, sed in ipso colore
 conueniant. Verum id me plurimum mouet, ut ab illorum opinione rece-
 dam, quod Aristoteles & Plinius Erythrinos, uel Rubeculas granidas
 & plenas onis, toto anni tempore capi asserant, quum in eo genere mares
 non sint. quod Fragolinis minime accidit, qui passim pluribus anni men-
 sibus, sine ullo onorum uestigio comeduntur. Illud quoque accesserit ad
 confirmandam opinionem, nam dum grata palato Fragolinorum capita
 exiguus, plerumque tenuior lapillus dentibus importunus occurrit,
 sicuti Aristoteles & Plinius eorum capitibus inesse testantur. Videmus
 etiam eorum corda triquetra figuræ similia, ut antiqui prodidere. Pagri
 ex sententia Icesii uere ipso, Archestrati autem exoritur Canicula sunt præ-
stantiores, nos autem hyeme eos longe sapidissimos experimur, sed ad
summam saporis gratiam accersendam, ganeonum iudicio tres omnino co-
ditiones requirere dicuntur, scilicet ut sint & recentes, & frixi & fri- 2.
gidi, ita tamen ut Arancii mali succo ac modico pipere torpescences eorum
pulpæ aliqua ex parte molliantur, & excitentur.

De Salpa.

Caput. XIII.

Salpa piscium pulcherrimum nomen retinet, atque omnibus notus est,
 siquidem eum a cervice in caudam per argentea latera, aurea, ru-

bentesque lineæ certis distinctæ intervallis decentissime depingunt . unde Græci antiquiores Mnasea Colophonio , quod poema varium ædidiſſet , Salpæ cognomen tum indiderint . Frequens eſt & procerus in Balearico mari & præſertim ad Ebullum inſulam a copioſiſſimis ſalinis celebratam . appellatur ab aliquibus , ut Plinius author eſt , obſcænus piſcis , quod percoqui non poſſit , niſi ſerula verberetur . Solitarius eſt , paritque bis in anno Luporum more . Natura aſtutus eſſe perhibetur , & longe omnium liquidiffime audit , æſtate melior eſt , & e toto mari circa Mitylenem probatiſſimus . Cæterum ille Archeſtratus , qui in coquinaria a Græcis alter Theognis vel Heſiodus exſtimatus eſt , Salpam ſemper malum nobili carmine pronuntiauit , ita ut mirum minime videatur , ſi hodie quoque is piſcis , qui tam operoſe atque eleganter a natura depingitur , ab optimatum menſis , ut inſuſus , & mendax ſit repudiatus .

De Sargo . Caput . XV .

IN hæc maria Sargus non ſemper (quanquam ſit notus) enavigat , qui Brundufii Ennii Poetæ teſtimonio , longe optimus habetur , præfertim ſi prægrandis fuerit . ii namque quos Romæ habemus , Auratam magnitudine nix excedunt , quam etiam latitudine atque argenteis ſquamis referunt . Sargus autumno & vere parit , ut ait Ariſtoteles , is alios minime comitatur veluti ſuperbus . nullam in eſſe gratiam litorali- bus , ait Plinius . quod mirum videtur , quum is maxime circa litora capiatur , ut in libro de hiſtoriis animalium Aelianus latiffime diſſernit . ubi Sargos ait caprarum eſſe amatores , eoſque propterea facile capi ad earum umbram , quam in extremis litorum marginibus , & ſcopulis collocata aduerſus ſolares radios in æquora proiiciant & extēdant , atque ea ſpecie , amore præſervidi facile alliciantur . Optimus eſt Sargus occidēte Orionis ſydere , tum . n . nites foliorū honore ſpoliatur . Archeſtratus in popinalibus

deliciis mihi sapius allegandus, Sargum succæ carnis esse, ac ob id assatum eum & calidum, caseo, acetoque cõditum probat, sicuti uno edicto omnes succioris pulpæ pisces condiendos præcipit, secus ac in præpinguibus & teneris sit necesse. qui solo sale atque oleo inditis, in craticula sapidissime percoquantur.

De Capone. Caput. XVI.

CApo litoribus nostris familiaris, Venetis autem ignotus, caput habet valde magnum, & illud quidem enorme, quadratum & nullis uestitum pulpis. Oculi in eo sunt admodum rigentes, extenta supercilia, os languidum, minuti dentes, sub mento autem oblongæ ac rubentes pinnae ad impexæ barbæ similitudinem. cætero autem corporis trunco rotundus est & teres, decrescitque in eandem æqualiter extenuatus quousque in postremam desinat caudæ pinnam. Porro ventrem habet valde candidum, sed puniceo colore Mulorum similitudine variegatum, dorsum autem flauescere potius quam rubescere videtur. Solidis quoque & albicantibus constat pulpis, sed qui tamen aliquâto salubrior sit quam sapidior eruditioribus præsertim gnatomibus, qui illum veluti aridiusculum aspernantur. Reperiuntur & alii Capones qui bifurcata habent rostra, & dorsum osseis squamis armatum, quos in genere Caponum piscatores ipsi mares esse testantur. Ego autem aliud genus esse crediderim. Caterum hæc est vera & expressa Caponis effigies, quæ dum piscium antiquiora vocabula quaeritarem, mihi haud temere de singulis dubitanti, non mediocriter negotium fecit, quum modo illum a magnitudine capitis de genere Capitonum alludente recenti nomine, esse putarem, modo Orythmum ab oculorum aspectu & rubro colore, arbitrarer, modo Erythrinus, siue Rubecula ob eundem puniceum colorem esse uideretur. Nulla enim ex recenti

gentium appellatione antiqui nominis cōiectura adferrebat, ut pro certo possem aliquid eruditorū auribus dignum affirmare, quum Romani eum Caponem, Organū Ligures, Galli nero Roscettum, quod eorum lingua rubetum sonat, appellent. Sed Capitones de genere Mugilum, namque subinde eius nominis coniecturam esse deprehendimus, sicuti existimare uideretur Volaterranus, qui imprudenter Caponem putauit esse Labronem. Orphum uero maiorem esse piscem, & unica etiam traiectione spina, quod in ceteris rarissime accidit, & denique tardissimè eum mori, si etiā cultro medius diuidatur, auctoritate Aeliani, Athenaei, & Oppiani clare cōstat. Erythrinum quoque esse nō posse eadem ratione apparere, qua opinionem de Pagro refellimus, quoniam is toto anno grauidus, ouisque plenissimus capiatur, Capones autem magna ex parte uentre uacuo reperiuntur. Sed nos eum proculdubio de Mulorum genere esse putamus, parati mutare sententiam, si acutiores meliorem attulerint. Siquidem Mulum expressissime refert & capitis effigie & ipso colore puniceo, qui nullis aliis in piscibus excepto Capone, & Mulo, ea claritate conspicitur. Aliqui enim barbam habent, qui barbati & barbatuli a multis & praesertim a Cicerone dicuntur. Quod autem duo sint Mulorum genera apud Athenaeum plane perspicitur. antepom̄ enim barbatū Mulum imberbi Mulo sicuti Sōphron poeta indicabat. Plinius quoque id Muli genus, quod est diuersum ab his qui gemina barba capillari insigniuntur, Alutarion appellauit, quod barbatorum comparatione uilissimum erat. Volaterranus in hoc decipiensus est, quoniam Mulos barbatos eos quos uulgus Barbos uocat, arbitrat̄, Barbos scilicet inuaces illos & ab omnium malicia ualde noxios. quum Barbat̄ sit marinus, hic uero Barbus sit fluminalis. ab Ausonio enim Barbus niuax celebratur, qui etiam eo argumento quod tardè moriatur, de genere Mulorum barbatorum esse non potest, quoniam Muli teste Plinio, sicuti & nos saepius uidimus, cum primum extracti retibus

fuerint, protinus expirent, contra vero Barbi uenales in lacubus ligneis, ut in Ticinense foro uidere est, diutissime uiuant. An autem Alutarius is sit qui Capo nuncupatur, in medio relinquemus. Nec etiam absurdum foret, si pro Capone Cytharus acciperetur. Natura enim qualitateque pulparum, ut Galenus innuit, Cytharum a Capone non multum differre deprehendimus.

De Laccia. Caput. XVII.

Laccia Piscis Romane Academiae doctissimos quosque diu torsit, quum in urbe longe sapidissimus haberetur, nec facile reperirent quoniam latino uocabulo foret appellandus, adeo ut ipse Pomponius Latus grammaticorum eius aetatis princeps & Platina idem ab ingenii monumentis & diligens historicus & eocus industrius, temere Lupum esse crediderint, duplici quidem errore, quando & quid Laccia antiquitus fuerit, & qui sit hodie Lupus Tyberinus, penitus ignorasse uideantur. Is piscis subtilissimis contextus est squamis & argenteo fulgore confusus, pulparum uero mollicie, saporeque admodum delicatus, uerum adeo frequentibus ac molestis spinulis praeterea eius carnes impediuntur, ut in conuiujs illarum tadio atque periculo summa suauitatis gratiam amittant. Subeunt Lacciae Tyberim anxiem ad prima ueris signa, sed tunc strigosa & ab quadam marina salsuginis ariditate parum amabiles, quae mox paucorum dierum mora Tyberinis in undis mirifice pinguescent. raro cubitalem superant magnitudinem, & incipiente statim aestate in maria reuertuntur, sic ut reliquo tempore rarissime appareant. Praeter ipsum Tyberim, Arnus, & Umbro in Etruria, in Campania uero Liris & Vulturus laudatissimas praebent. in Pado quoque reperuntur haud ignobiles, in Galliae uero, Hispaniaeque annibus longa maxima, sed quas

sapientiores parafiti Tyberinis minime esse cōparandas existimēt . Hispani Saualos , Alosas Galli & Campani , Etrusci autem & Veneti vetere seruatō nomine Clupeas appellant . apud Aristotelem uero , Strabonem , Aelianum , Oppianū , & Athenæum Thrissas legere est , quam uocem Alosam interpretatur Theodorus Gaza & Gregorius Tiphernas , ita ut idē esse & Thrissam & Alosam , & Clupeā , quā modo Romani Laccia appellant , manifeste appareat , quoniā Ausonii Poetæ Alosa , quum dicit , Stridentisque focis obsonia plebis Alosas .

Romanæ Lacciae , uti Galli referunt , omnino simillima sit , & Clupea Venetæ atque Etruscæ , idem esse cum Lacciis censeantur . Verbanus Laccius , qui hodie maior cognomine nuncupatur , item & ipse Larius Acones *e Como .* pisces ferunt , effigie ac sapore Lacciis persimiles , uerum magnitudine inferiores , utpote qui ad summum , pedalem mensuram nō excedant . uere quoque sunt graciles natura a Lacciis plurimum diuersa , autumnus autem quam optimi , neque illud obstiterit quod a plerisque dicitur , Clupeam eandem & Lacciam esse non posse , quando Clupea tantæ (ut uidemus si Laccia sit) nobilitatis piscis , ab antiquis authoribus latinis parum celebratus esse uideatur . Nam unus mihi pro omnibus Ennius Poeta amplissime satis facit , quum dicit .

Omnibus ut Clupea præstat , Mustela marina ,
Mures sunt Aeni , aspera Ostrea plurima Abydi ,
Mus Mitylenis .

Celebrat etiam alios pisces , sicuti uidere est in his carminibus quos Apuleius in Apologetico citauit . Id uero accidisse crediderim , quoniam Clupea toto ferme anno delitescant , tantumque per angustū illo adolescentis ueris tempore , quo solum insigni sapore præsent , ueluti in ostentationē sui , annes subruendo capiuntur , ita , ut acute & perurbane dixerit Hieronymus Videri idē summus & religiosissimus Poeta , quum in cōiunio de Polyporum , Laporumque prudentia

disseretur, neminem Clupea pisce prudentiorem sibi videri, quoniam non alius, nisi quum obesus esset, appareret, Et quidem opportunissimo tempore, quando uere et ipso, per sacras leges sublatis carnis obsoniis, ipsi pisces in summo honore a Christianis habeantur. Ceterum Laccia uerberana nutriunt, sed glutinosioris alimenti excrementa in stomachis non facile atternatur, propterea ab ipsis exhalationibus in tempestiuam somnolentiam inducere, Et sitim augere existimantur, praesertim si appetentibus ad explenda uel mediocris etiam gulae desideria minime defuerint, quod paucis, uel certe ipsis tantum e summo ordine nobilibus, ob eius piscis graue pretium, raritatemque contingit.

De Trigla. Caput. XVIII.

Latinique ueteres Triglam a Graecis appellatam, Mulion uocauere, a colore Mulcorum calcamentorum, quae languidum ruborem illum, uti in Persici Et Cyclaminis herbae inuersis foliis conspicimus, representat, ut referente Plinio, Fenestella existimauit. Trigla uero nomen ob id a Graecis fuisse inditum, quod Diana Hecati dicaretur, quae sit triformis, unde Virgilius dixerit. tria uirginis ora Diana. Ea uero de causa Diana sacrificari testatur Aethaeus, quoniam Trigla Lepores matris hominibus mortiferos, uti uenatici canes uenatricis deae auspiciis persequantur. Eam Romani hodie, quum iam uetus Latini Mulis nomen exoluerit, Graeco uocabulo Triglam appellant. fuit is antiquiorum prodigio luxu adeo insignis, Et pretiosus, ut saepius argenti puri pondere a priuatis etiam Quiritibus emeretur, quum pedis longitudinem superaret. Galenus ut erat acerrimus Romanae luxuriae castigatorem, unius eius piscis assumptione plerumque miratus est eorum gulam, qui tantulum piscem tantum emerent, cui eruditi ganeones subtilissime respondebant, propterea

propterea quæri, quod in maioribus et maiora capita & ampliora iecinora, ad condenda varia pulmenta inuenirentur, ut ex Oratiano carmine, quum dicit.

Mullum in singula quæ minus pulmenta necesse est.

Et ex Plinii nostri verbis, qui alecem ex iecinoribus Mullorum confici affirmat, manifesteprehenditur. Trigla ter in anno parit, ne amplius, quoniam ter satis vermiculus imascatur, qui genitalia semina protinus abrodat. Triglae admodum sunt voraces, ita ut humanis etiã cadaveribus uescantur, sicuti in hanc sententiam expressit Oppianus, quum dicit.

Trigla vorat fœdas sordes, & mergit in aluvm

Omnes illumies ponti.

Probantur Mulli qui barbati sunt, duplici crimine a mæto defluente altera species ignobilis, Alutariu vocatur. in Thasi insulae litoribus optimi et maximi euadunt, apud nos hyeme et suburbano in mari capti maxime laudantur. Ligustici enim & Venetis, itemq; Neapolitanis non ea saporis gratia, quâquã sæpe multo grandiores in conuinia veniant. Galenus ait, Triglae carnem neq; pinguem, neq; lentam, aut viscosam esse, sed duram atq; friabilem, propterea gratam gustui, & digestionem facilem, & in genere alimenti naturæ hominum congruentem & maxime accommodatam. sed eam Plinius nervis inutilem existimauit. recte atque salubriter in craticula coquitur, quæ longe sapidior erit, si petroselinis subfrixæ folia atq; insillatus cum oleo Arancinus succus accesserint. Apertius nepotum ille maximus gurgis in Gæro, quod ex salitorum Scombrarum muria liquamen erat, viuos Mullos, ut sapidiores euaderent, enecauit. Triglam si in vino suffocetur, idq; a viro protinus esibatur, impediendæ ueneris potestatem habere Athenæus, autoritate Therpsiclis affirmauit, qui et mulieres quoq; si illud itidem potauerint, minime posse concipere testatus est.

De Sauro, Trachuro, et Scombro. Caput. XVIII.

SAURUS antiquum nomen adhuc retinet, nec pedis magnitudinem excedit. minores fricturæ nomine veniūt. Sunt enim multa pisciū genera, quæ ob paruitatem in sartagine frixoria seruenti oleo coquuntur, sicut Trigla, Bocæ, Sombri, Trachuri, Pagri, et Aurata, et propterea uno nomine frictura vulgariter appellantur. Sauros Galenus a carniū mediocritate laudauit, quod mediæ sint inter duras et molliores. Athenæus quoque eos sapidissimos esse ait, si exemptis branchijs, casco, sale, atque origano condiantur. Trachina et ipsa etiam in fricturæ numerum refertur, quā Trachurū, ut Oppiano uidetur, esse putamus; vel ut Athenæo placet, Trachidam eo argumento, quod infestam et prope lethalem spinam in cernicibus habeat, et binas item alias et quidem acutissimas ab auribus prominentes. Hic piscis oblongus est ac tenuis et sulcatus in ventrem, cuius latera lineæ frequentes et obliquæ uergentes ad caeruleum colorē pulcherrime describunt. Scombrum uero nostri Lacertiam appellant, qui a Venetis antiquo nomine nuncupatur. Cornelius quoque Celsus eum pro Lacerto accipere uidetur, ex quo Salsamentum fieri ait, interpret etiam Galeni antiquior et ineptior Saurum, Lacertū perperam appellauit. Sombri et oblongi et exiles sunt, et sulphureo colore conspicui, præsertim quum in aquis uagantur, uere pinguescunt, quo tempore Venetijs inter delicatiora obsonia reputantur. Romæ autē ab innata quadā siccitate sunt ignobiles, Icesius minores Sombros maioribus anteponit, quos bono succo nutrire uentres animat, sed qui tamen difficilis secretionis habeantur.

De Asello et Merula. Caput. XX.

ASELLUM proprio nomine Ligures, Romani uero Scarmum et Merluzum appellant. capite est admodū lato, pressoque, ut in Gobio

videmus, ore autem maxime denticulato ac patulo. cætero corpore est oblongior, squamæ sunt admodum minutæ & uergentes ad cinereum colorem, sicuti in asellis quadrupedibus conspiciuntur. M. enim Varro Merulam, Turdum, Umbramque, & Asellum a colore quem referat, ait appellari. Aselli dum astini soles seruescunt, ardoris impatientia latitant, sicuti Glaucus & Aurata, nec quoties pariant, inueniri potuit, ut ait Aristoteles. Eorum genera sunt duo, maiores Banchi, qui in bipedalem magnitudinem augentur, et minores quos Callarias uocant. Plinius eos in capite lapillum gerere et delicatos esse commemorat, Galenus uero cum saxatilibus æqualem habere carnem attestatur. sunt & Turdi subuiridi colore & frequentibus guttis, ut in uolueribus uidemus, uarietati atque insignes, itemque Merula, Cocyges a Græcis appellata, quæ ab medio quodâ colore inter atrum atque subfulvum Merulis animibus assimilantur, sed in Aquatiliū genere, non eam habent saporis nobilitatem, quā Turdis ac Merulis animibus ueteres attribuerent. Siquidem & Turdi admodum insulsi sunt, et Merulae ut Athenæus ait, difficillime cōcoquantur, in quarum conditura Arcestratus ille poeta parasitus cum casto, maloque granato et sale atque oleo Silphium admiscuit, quod ut Hermolao placet, Lasirpitij genus est, sed quomodo is succus concretus et odoratus in conditura piscium conuenire possit, alij niderint. Sunt et Phycides Tincarum viridium colorem atque effigiem referentes (Fici uulgo nuncupantur) qui procerum patinas raro implent, quum insipidissimi sint.

De Boca.

Caput. XXI.

Dorsum picturatum habet Boca, pifeis notus omnibus ferme libtoribus, atque uno tantum nomine nuncupatus, dictus est a uoce, propterea quod sacer sit Mercurio eloquentiæ deo, sicuti Cytharus

Apollini, Dianæ Trigla, Libero patri Cittulus, Veneri Apna, & ipsi Neptuno Pompilus nauigiorū comes. Aristophanes autem Byzantius, ut Athenæo placet, Bocam potius Boopam appellari debuisse asserit, quoniam is piscis prægrandes habeat oculos, sicuti et Silurum potius Scirrum a crebro motu caudæ nuncupavit. Cæterum Bocæ facundissimæ sunt, & gregatim capiuntur, solentq; eas piscatores in oleo, acetoq; semicoctas cum myrto plurima in canistris asseruare, quæ postmodū in remotissimas a mari Italiae regiones mercimonij causa deferuntur.

Ge Gobio. Caput. XXII.

Gobio uel Gobius Venetijs frequens et pingui teneritudine delicatus, rarissime Romæ conspicitur, pro squamis uariam cutem habet & ualde lubricam. candicantes nigris Plinio anthore, præferuntur, uirides autem sunt pessimi, semipedalem longitudinem non excedunt, circa litora parere solent, ut Aristoteli placet, et uadoso potius in mari ac æstuarijs quam in alto, uel ubi fluctus scopulis alliduntur. quanquā et eius generis maiores sint et saxatili genere, quos et Caulinos et Cothonas ut Hermolao uidetur, Siculi uocauere. Icesius Gobios multi esse succi & facili digestionis asserit, sed qui et exiguum summi et malum præbeant nutrimentum. Galenus autē dicit Gobiones circa arenosa litora et saxosa promontoria esse et gustui gratos et in prima et secunda digestionem facere scerui. contra nero qui ostijs flumiorum et stagnis caperentur, ualde detestabiles. Sunt etiam flumiales Gobij ex Verbano præsertim et Lario lacubus, qui insignes habentur, ipsis iecinoribus palato gratissimis, eos et Strincios et Botetrissias Insubres appellāt. in Etruria quoq; in Marina præsertim amuculo, qui ex Apemini ingi apud Pratum oppidum in Arnū e uoluitur, Ioctij sunt pisciculi delicatiores, Gobionibus admodum similes, qui cum effigiem illam mire expri- mant, etiam in tantula carne eundem saporem habent.

De Scorpena. Caput. XXIII.

Scorpionem & Scorpenā Aristoteles diuersos facere videtur. idem
 & putauit Athenæus, qui citat Aristotelem, unde Hermolaus
 quoq; ipse in corollario nihil pro certo affirmat. Cæterum Scorpenam
 ferme omnes uernaculo nomine nūcupamus piscem subriusum, uariūq;
 & multis armatum aculeis, cute autem minime squamea, sed Gobionis
 similitudine rubrica, qui ut ait Ambrosius, uenenato aculeo sit trucu-
 lentus. eorum unum genus pelagium est, alterū palustre, illi rufescent,
 ij uero nigricant, qui et minus probantur. Pariunt his in anno, in unum
 sum lœsui autoritate uentrē leniunt, facile scernuntur, & quum multo
 abundant succo, multum etiā alimenti præbent. Epicharmus in nuptiis
 Hebes Scorpenam ait, esse solitarium et marina uelut alga minores qui
 semipedalem longitudinem non excedunt, maioribus anteponuntur indi-
 cio Archestrati, qui fuit obsoniorum structor longe subtilissimus.

De Perca et Melanuro. Caput. XXIII.

Percas pelagias Romæ raro uidemus. assimilantur hæc Menis
 ipsis, quæ hodie Menula dūtur, nam subsurnas habent Zonas,
 quibus ipse toto corpore squamosæ, et argenteæ distinguuntur, in dorso
 imparcs eminent aculei tenui inter se membrana coniuincti. Propterea
 Athenæus Percam ait spinis esse coronatam, et insigni uarietate conspi-
 cnam. Pulehræ quidem sunt, et atq; gustui, et laugētibus salubres.
 Plinius inter saxatiles eas connumerat, et ex iis qui hyeme capiuntur.
 Dux & magister Percarum est Melanurus, qui alio nomine Oculata di-
 citur a magnitudine oculi, ut Theodorus interpretatur, narius est &
 frequentibus guttis confusus, non absimilis Auratæ, uerum natura,
 ut Aeliano placet, pisciorum et timidissimus idem et cautiissimus, nam ex

ipsa maris tranquillitate piscatorum aduentum praecognoscit, mergitq;
 se profundissimo mari, si vero in summas aquas fuerit enatandum, agit
 circa scopulos et mira sagacitate in spumis latitat, quas infracti scopulis
 fluctus continue excitant. Cornelius Celsus Oculatam in genere alimēti
 maxime probavit. Numenius vero Melanuros nim obstruendarum ve-
 narum habere, et multo Sargis sapore et succo inferiores esse testatur, ita
 ut Melanurus alius ab oculata esse videatur, sicuti sensisse Plinium pu-
 tamus, qui Oculatam Soleis atque Pascribus admisit, Et in eodem
 versu utriusq; mentionē separatim facit. quod et diligentissimus Hermo-
 laus animaduertit, quum in hoc pisce aut Plinium, aut Theodorū erra-
 nisse arbitraretur. Id vero Gazam mouere potuit, quoniam Aristoteles
 quum de Searo mentionem faceret, semper Melanurum illi coniunxit,
 idemq; fecisse Celsus videretur. nam Searum semper cum Oculatā nomi-
 nauit, quasi quum Melanurū dictionem græcam reformidaret, oculatā
 pro Melanuro substituerit, qui piscis a latinis, uti hodie Venetijs Et
 alibi Ochialis propter Oculorum magnitudinem nuncupatur, non autem
 is a nigricie caudæ, sicuti Græci appellabant, Nigricauda vel Atricilla
 nocetur, sed Melanurus, qui Neapoli frequens est, Roma raro conspi-
 citur, sic ut nemini mirum esse debeat, si eius uerā effigiem instituto pi-
 cturæ opere minime referemus. Caterum Perca, ut ait Aristoteles, in
 fluuijs et lacubus etiam versantur. Iiq; hodie in Gallia summā obtinet
 dignitatē, alendis febricitantibus, appellantq; eos Galli antiquo nomine
 Percas, quos celebravit Ausonius Gallus, quum dixit in Mosella,
 Nec te delicias mensarum Perca fulebo,
 Amigenas inter pisces dignande marinis,
 Solus puniceis facilis contendere Mullis.
 In Italia autem laudatissimi sunt e Lario lacu, quos Nonocomenses ipsi
 Pereccos appellant. eos fama est fuisse aduectitios, et inquilinos tralatis

scilicet seminibus e lacu Eupyli, qui Lambrum emittit annem, ut nomen
 nit Benedictus Iovius frater in Larianis Lusibus ad Minitium Calnum.
 Eupylis exigua sum Percecus ortus in unda,

Meq; peregrinum Larius inde tulit.

Sed Eupylis multo minores, quæ Larius Percecos producit, quoniam
 magna ex parte vel influentium aquarum defectu, vel occultiore aliquo
 hiatu terræ haustus multis ante annis exaruit, abiitq; in tres minores
 lacus aquis in depressiora loca subsidentibus, qui a Licinio foro vetere
 oppido, quod et ipsam interijt, plebis Licini Lacus hodie nuncupatur.
 In Lario Perca ad pedalem crescunt magnitudinem, croceas pinnas ha-
 bent & maturescentibus præsertim unius ab ipso pingui & præternis
 interaneis magnopere cõmendantur. Medici fere omnes Gallie Cisalpi-
 næ Percas ægris robustioribus apponere non dubitant, præsertim si cru-
 dationum unarum succo, quem agrestem vocant, diligentissime cõdiantur.
 Diocles quoq; Medicus in libro de salubribus, ut Athenæo placet, Per-
 came saxatilibus, qui molliores habeant carnes, ut sunt Turdi, Meru-
 le, Gobij et Phycides, plurimum laudavit.

De Rhombo & Passere. Caput. XXV.

H Actenus de squamosis piscibus, nunc de planis agemus, qui
 spinas habent, et de his quæ ab Aristotele Selaches, quod spinis
 careant, & a Plinio carthilaginata appellantur. In his principationem
 obtinet Rhombus, sic dictus fortasse ab instructo Thessalico magico,
 quod Rhombū, idest rotundum sit. est enim hic pifeis longe latissimus
 et ovali figura rotundior, quæ forma in instruendis aciebus Rhombi
 nomine a scriptoribus rei militaris appellatur, unde Martialis,
 Quamvis lata gerat patella Rhombum.
 Rhombus latior est tamen patella.

Græci authores Rhombum Psittæ nomine uocant, ita ut Psittæ genus ad Rhombū, Passerem et Soleā esse uideatur. Aristoteles nāq; Rhombi nusquā meminit, sed Passeres, sic hodie nuncupati a Romanis magnitudine, saporeq; et figura etiam oblongiore a Rhombis differunt, in eo quoq; dissimiles, quoniam dexter situs sit respiciunt Rhombis, lenius autem Passeribus et Soleis. Cæteri Rhombus inter planos obtinet principatum, quem nobilis quidam autē procerum circa popinales delicias ingeniosissimus aquatilis Phasianum appellare solebat, non absurda quidem comparatione, sicuti et Soleas Externis, Læpetras Coturnicibus, Lupos alilibus Capris, Sturiones uero Canonicibus adæquanit, ut ex cognitijs commentarijs, quæ eius cibi nomine circūferuntur, licet intueri. Capitur Rhombus toto anno & circa pinguiorem harenam, extremasq; littorum margines natat transuersus, conuoluitq; se certis flexibus Strabonum more, ut situs oculorum nitium emendet, suaq; potius latitudine quā pinnarum adminiculo fretus cursum dirigit, omnium profecto & temporum & locorum piscis, idemq; et delicatus et salubris, hyeme tamē quam æstate & in Italia Rauennæ, quam alibi multo laudatior. Rhomborum pulpa sunt candida, et presso quodā humore succulenta, quæ assatim et salubriter alunt, modo in prima concoctione quæ celebratur in stomacho, superflua earum partes perfectissime secernuntur. Galenus in alendis conualescentibus Rhombos in iure simplici cum modico sale, porris & æneto intritis percoquebat. Sanis autem et his qui sensum appetentis stomachi deiectioni habuissent, testes in crate, acetoq; conspersos, uel frictos cum Caro, ac uino apponere consueuit.

De Solea. Caput. XXVI.

Sequitur Solea, Lingula a. M. Varrone nuncupata, ab Athenæo autem Buglossus, quod bovinæ linguae effigiem imitetur, hodie in lautioribus

in lautioribus conuiujs in summa etiam ceterorum piscium copia, magnam obtinet claritatem. Probatur hyeme & frigida Arancij mali succo, pipereq; confersa. Maxima in Belgicis oceani litoribus reperitur, nostrates pedalem longitudinem raro superant. Solea maleficos pisces defugiunt, eaque solum frequentant loca, in quæ beluæ minime accedunt, ita ut argumento sint maleficos non esse, ubi ipsæ, veluti solutæ metu uagentur. Solea leuissimū adgenerat nutrimentum in stomacho, facile concoquitur, & in secundis uenarum & iecinoris digestionibus nulla ferme noxiarum superfluitatum excrementa relinquit.

De Citula, siue sancti Petri pisce. Cap. XXVII.

Piscem e genere planorum, similitudine Istricis ipsa dorsi acie aculeatum, capite extento, ore latissimo, cuius maxillæ expressicua membrana constare uidentur, Romani Citulam & sancti Petri piscem uti & Veneti, Ligures autem Rotulum appellant. Sunt in eius utroq; latere gemini orbes qui binæ imprimentium digitorum uestigia esse uidentur. Sapore, pretio, & effigie, si caput abscideris, ipsi Rhombo persimilis. Quo autem nomine Latini ueteres, Græcique illum appellarint, pro constanti affirmari non ausim. Quibusdam uidetur esse Chalchis de genere Rhomborum apud Columellam. Putavi ego illum esse Achantiam, qui sit de genere Galeorum apud Athaneum, sic dictus, quod spinosus sit, & certe si Galei prole ore suscipiunt, ut eam ab innadentium piscium iniuria tueantur, hic piscis ante omnes, os habet aptissimum, ut ea pietatis in filios officia commodissime præstentur. Acanthæ certe Oppiano e genere Galeorum sunt & aculeati, sed is fortasse est,

qui a nobis *Columbus piscis* appellatur, infima plebis obsonium, qui oblongus est, & *Carthilaginatus*, spinamque habet in dorso. Aliquando quoque dubitari, an esset *Cytharus*, quem sapius *Galenus* cum *Rhombo* nominavit, asserens *Rhombos* sordidiores & meliores esse *Cythis*, ut manifeste in mensa utriusque collationeprehendimus. inuenio tamen apud *Athenaum* piscem *Citulum* dici *Liberi* patri, sicuti *Cytharum* *Apollini*, *Triglam* *Hecati*, *Apnam* *Veneri*. qui si nominis coniecturam sequemur, profecto *Citula Romanus antiquorum Græcorum Citulus* esse poterit.

De Torpedine.

Caput. XXVIII.

Torpedo effigie, potestateque admirabilis, sic dicitur, quoniã capta in retibus, priusquam attingatur, piscatorum manus stupefaciat. propterea *Veneti* eam *Sgransum* quod est torpescentis membri affectus, appellant. *Romani* autem modo *Battipotam*, modo *Foterisiam*, frequentius uero *Oculatellam* dicunt, quod in eius dorso quinque ocellos subnigros ipsa natura depinxerit. Subrufa est prona parte, supina autem candida. *Auerroes*, ceterique *Philosophi* *Torpedinem* ea qualitate manus adfingere, qua ferrum a magnete lapide pertrahatur, existimarunt. At *Galenus* *Torpedinem* inter pisces, quibus uescimur in *Tertio de Alimentis* nominavit, quanquam ea hodie a plebe, egentissimisque hominibus tantum comedatur,

Sunt etiam e planis Raia, & Squatina; & item compositi
 ex utrisque Rhinobates, sine Squatraia, quæ factæ sunt aspe-
 ctu, atque esu admodum inuicundæ. quæ inter sordidæ plebis atq;
 pastorum obsonia censeantur. Raiarum sel auribus sanandis aptissi-
 mum est. Squatarum autem scabrum tegumentum ad poliendum
 ebur propter asperitatem ab artificibus expetitur; ex eo cultello-
 rum & falcatorum ensium nazinas Turcæ, Barbarique maritimi
 admodum pulchras conficere solent, quas Saginas appellant. Est
 etiam huius generis Pastinaca, idem & Turtur, & Trigon, quæ a
 mortifero aculeo lethalis ab Oppiano dicitur, quo Ulysses ietus
 a filio perierit, hodie Bruccus dicta. Hæc simul & Raia & supra
 citati pisces e mustellino sunt genere, prole tamen ore (ut alij solent
 eius speciei) suscipere nequeunt propter caudarum asperitatem.

De Congro Caput . XXX .

Post planos pisces, oblongi & lubrici citabuntur, & ante alios
 Conger subalbus, & teres, qui ingentis Anguillæ speciem
 præfert. Hunc Icesius ait omnibus gregalibus piscibus duriorē,
 & ob raritatem carniū tenuissime nutrire, neque laudabilem præ-
 bere succum, cum tamen stomacho minime esse molestum, aut incom-
 modum. Idque Galenus affirmat, qui dicit Congros parum asper-
 re nutrimenti, cæterum facillime eorum carnes digeri, atq; scerni,
 ita ut mirer Albertum magnum, quum dicit Congros nativa
 quadam proprietate lepram morbum generare. Congros in im-
 mensam crescere magnitudinem apud Sicyonem Peloponnesiam
 Eudoxus tradit, ita ut currum longitudine superent. Porro Arche-
 stratus in libro de legibus ventris, Congros in Italia lōge optimos

indicant, quod mihi nequaquā verisimile videtur, quādo neq; hodie aulæ principes, neq; ipsi cupedinoræ Congrum magnificent, soliq; Hispani Romanæ Urbis inquilini cum exoticis quibusdam pul-
tarijs incoctum, in summo honore habere videantur.

De Murena.

Cap. XXXI.

MVrenæ toto mari sunt frequentes, sed in Siculo longe ma-
xima, atque optima. eas Columella flutæ appellavit,
quod summis in aquis fluitent, unde accadat, ut in nimijs solis ardo-
ribus exusta cute sese mergere nequeant, amissæque flexuosi motus
agilitate capiantur. Sunt maculosæ & in collo aliquot stellas ad
formam Septentrionis habere dicuntur, quæ statim morientibus
evanescent. Mira in his sagacitas, nam ut se captas sensere, hamum
avidissime deuorant, dentibusque lineam protinus abrodunt, &
effugiunt. Veteres Romanos a uinacitate potius quam a saporis
præcellentia Murenas aestimasse crediderim, quoniā magna eorum
copia in cotidianos usus, uinarijs inclusa diutissime poterat asser-
uari, cateris piscibus, aut redio carceris, aut uitio piscinarum
facile pereuntibus. Constat enim. C. Hircium ex uinarijs epulo
triumphali, dictatori Cæsari sex milia Murenarum mutua appen-
disse. Mansuescunt, & de manu hominis escam accipiunt. Crassus
ille cognomento diues Murenam altilem admauit, adeo ut sato fun-
ctam aliquando luxerit, & tumulo indiderit. Extat quoq; illud
solissimum Crassi dictum, quum. L. Domitio admodum ridenti,
atque admiranti, quod mortuam desleret Murenam, respondit mi-
rum quidem esse quod extinctum piscem lachrymis prosequeretur,
sed multo quidem admirabilius, quod ipse tres a se elatas uxores.

non ingeret. Extulerat enim tres uxores Domitius, quas quidem
 neneno, ut dotibus potiretur, sustulisse dicebatur. Aliquæ etiam
 scæminæ in delictis Murenas habuerunt, ut Antonia Drusi, quæ uni
 spectata mansuetudinis gemmas in aures addidit. Vescuntur huius
 carnis Murenæ, idque Vedij Pollionis crudelitate verum esse
 apparuit, qui damnatos seruos in vinarium demergebat, ut illi non
 extemplo, sed paulatim in minutissimas discripti partes Murenarum
 moribus absumerentur. Feruat Murenas in cauda vitalem spi-
 ritum habere, propterea illas aliquanto celerius interimi, si in ex-
 tremâ caudæ parte potiusquam in capite uestibus herberentur. Sæpe
 Romanus Poeta lepidus, cuius beneficio Athenæum latinum legi-
 mus, quum Pyrgorum in litore piscaremur, docuit Murenas ab an-
 tiquis exossari Plauti auctoritate, ut eorum carnes nullis impeditæ
 spinis gratiores redderentur, ingentemque ille Murenam binis ba-
 cillis utraque manu comprehensis median astringendo, detergen-
 doque recte & festine admodum exossauit. Serpentes cum Murenis
 coire, quas sibilo e profundis in litus euocent, diuus Ambrosius
 & complures antiquorum tradunt, cui opinioni Athenæus refra-
 gatur, auctoritate Andrea, qui de his quæ falso creduntur, librum
 edidit. Murenæ toto anno pariuunt, estque degere earum Marus
 robustior, & grandior, & unicolor Larici ligno, colore persi-
 milis, ut Aristoteli uidetur, quem Myrinum Plinius appellat.
 Inuenitur & Murena fluuiialis multo minor, quæ unan tantum ha-
 bet spinam, & Gallaria, auctoritate Dorionis ab Athenæo nun-
 ciatur, ita ut arbitrer hanc minorem Murenâ intelligere noluisse
 Athenæum pro ea, quæ a nobis Lampetra vocitetur, sed de hoc
 mox diffusa differemus. Murenarum carnes non minus nutriunt,
 quam Anguillarum atque Congrorum, ut Icesius asserit. Verum

ab duritie quadam innata & ex tenaci humore laboriosissime digeruntur, sed a lactibus eximijs summam commendationem accipiunt, quibus Heliogabalu[m] Cæsarem insana prodigalitate, quum in mediterraneis esset, anlam omnem, ac rusticos pauisse, Lampridius in historijs affirmavit.

De Adu.

Caput . XXXII.

Est & Adu de longorum genere, quæ a Græcis Rhaphis & Bellona dicitur. rostrum habet Gruis, uel Ciconiæ similitudine, colorem uero argenteum, spinam autem, ut Albertus magnus annotauit, uiridis coloris. hic piscis sero parit, & per æstatem tantum, utero dehiscente tempore partus, secus ac cæteris accidat piscibus, qui ipso uulnæ foramine pariunt, ut Aristoteles existimauit. Humidum, bonumque succum eius carnes præbent, sed tardiuscule cæterorum comparatione concoquuntur.

De Anguilla.

Caput . XXXIII.

Anguillas, quod anguib[us] assimilentur. M. Varro dictas existimauit. nascuntur ex limo, algarumq[ue] putredine imis in lacubus & flumijs, nullo coitu, nullaque sætura, ut ait Aristoteles. uinacissimæ sunt, quoniã branchias habent per angustas, unde etiam fit, ut turbidas aquas difficillime tollerent. Reperiuntur & in mari Anguillæ sæcundis annibus deuectæ secus ac alijs cõtingat piscibus, qui e mari subire amnes allecti aquarũ dulcedine cõsueuerũt. & eæ quidẽ multo sapidiore[s] uideantur, quam ipsæ proguatæ, nutritæq[ue] in annibus, ueluti quæ uiscosum, lentumq[ue] illum habitũ

penitus exsunt salfarum aquarū egregio temperamento . Neque tamen credendum est , in alto ac profundo mari dulciorem deesse humorem , quo maxime pisces foueantur . Nam ut ait Aristoteles , in profundis uadis aquarū dulcium uenæ perennes existunt , & in ipsa marinarum aquarū mole portio certa dulcioris humoris reperitur , quum maris aqua , neque simplex sit , neque , ut aliqui uoluerunt , purum elementum . argumento sunt uasū cerea e nauigijs in altum demissa . quæ pascuarū horarum spatio dulci aqua per meatus subtilissimos recepta , manifestissime replentur , ut Democritus ante Aristotelem , & utroq; posterior Theophrastus experimentoprehenderunt . Ceterum Anguillæ in mari rarissime , frequenter uero in omnibus ferme fluuijs ac lacubus Italiae capiuntur . Sed ingentes & sapidissimas alit Vulturnensis lacus , quarum incredibilem multitudinem capi uidimus in excipulis ad egressum Martæ annis fabricatis , cum Alexander Faræsius Cardinalis Leonē Pontificem in eam Amantissimam regionem ab Vrbe , uenâdi studio scedentem regali magnificentia suscepisset . Anguillas omni ex loco , omni que tempore & præsertim circa solstitium Medici detestantur . Stomachis enim & renibus sunt inimicæ , sed præcipuum sentiunt nocumentum ex earum obsonijs , qui harenulas mingere consueverunt , quoniam illæ anguillari glutino in calculos cogi & stringi uideantur . podagra quoque laborantibus manifeste officiunt , nec ullis morbis medentur , sic ut inique fecisse natura uideatur , quæ tam suauem resutandis , expuendisque piscibus saporem indiderit . Ceterum Anguillas minime noxias , sed quæ propter exilitatem commode ueribus torreretur non possint , gignit Serius Cremonensis agri fluuiolus , qui in Adduam excurrēs , Vide poeta paternas possessiones interluit .

Subveniunt Arnum, & Tyberim Lampetra, atque in his præsertim omnibus ad generosum habitum adulescunt, Anguillis, vel parvis potius Murenis assimilantur. sunt enim lubricæ, & nigricantes, tendente tamen earum parte prona ad caruleum colorem, utroque autem gutturi latere foraminulenta, si quidem septem paribus fistulis mirabili ordine a natura fabricatis acceptam aquam emittunt, quam branchijs omnino carcant, nec cubitalem excedere magnitudinem soleant. Omnibus autem Gallia Cisalpinæ rivulis, ipsisque præsertim Ticini, atque Adduæ emissarijs multa reperiuntur prætiosæ admodum, quanquam minimi digiti crassitudinem rarissime superet. Sed Romanis præcipua nobilitas a magnitudine atque sapore, adeo, ut denis sæpe aureis singula veniant, ipso præsertim vere quo maxime probatur. Neque enim dum ieiunamus & frugi esse debemus, luxuria castigatur. Ret. lit Platina in culinarijs suis duorum Cardinalium luxu, superbiaque certantium obsonatores centum aliquando argenteorum tantum uni Lampetræ pretium fecisse, quum in foro piscario ambitiosius contendendo eum piscem pertinaci, atque insana profusione veluti ad hastam liciterentur. Lampetrâ neoterici quasi a lambendis petris dictâ putant, quam Græcis Galeum, Latinis vero mustellam fuisse arbitramur. Eam Ennius poeta prætiosissimis equalē facit & Plinius bonitate Scaro proximam esse testatur, & Ambrosius gustu suavem vocat. Porro Galeorum plura sunt genera, ut apud Aristotelem, Athenæum, Oppianumque, ac ipsum præsertim Galeum licet intueri. dicitur enim piscis Mustela a Galeis, siue ex Mustelino genere, ut Theodorus Gaza passim interpretatur, prolem ore suscipere & rursus emittere, ut illam a piscium maleficorum iniuria tueatur. Cæterum Galenus in tertio libro de alimentis Philotinum reprehendit,

hendit, qui Galeum in ordine duras habentium carnes collocabat, quum Galaxius sit is piscis e genere Galeorum, quem Latini Mustellam appellant, piscis inquit & mollis & apud Romanos gloriosus. Neque enim ille netus pariter, ac ineptus Galeni interpretis unquam pro Galeo Mustellam interpretatus est. Quod profecto Theodorus fecisset, qui semper nominibus Græcis, pro virili, latina uocabula reddere cōsuevit. Icesius pariter in libro de materia, e genere Galeorum meliores & molliores, Asterias appellauit, ita ut fortasse putandum sit, eum pro Asteria Lampetram innuere noluisse, quod Lampetra quasi a maculis, quanquam obscurioribus stellata sit, & mollis & delicata. Inuenio quoque nonnullos aucthores, qui paruum Murenam pro Lampetra intelligant, ut ait Athenæus auctoritate Dorionis. apud quem fluuialis Murena, quæ marina sit multo minor, Gallaria nuncupatur, quoniam unam tantum habeat spinam. Potest quoque accidere, ut idem sit Gallaria Athenæi, & gloriosus Galaxius Galeni unius literæ commutatione. neq; enim mirum esse debet, quum utriusq; authoris Græci codices corruptissimi habeantur. Albertus quoque magnus Lampetram, Murenam paruum appellauit, qui quanquam sit ineptus & Barbarus, minime tamen hoc somniasse putandus est, quum ex ueterum potius cōmentarijs laboriosissime excerptis, quam a multo nobilioris ingenij acumine tot, tantaque uolumina condiderit. Id uero me plurimum mouet, ut Galeum pretiosum apud Græcos, nostratē hanc Lampetram non esse existimem, quoniā is Galeus qui Rhodi longe omnium delicatissimus est, ab Archestrato in eo libro, quo uitam quærit Sardanapali, dicitur esse Accipenser, qui Plinio auctore rarus inuentu est, & squamis ad os uersis conspicuus. Verum ipsi Græci infinita quadam nominum congerie Accipenserem

appellant, ut qui modo Elloperem, modo Callionymum, modo Anthiam, & pulchrum, & Calichthyn, quem etiam ministri cum tibijs coronati conuiujs inferrent, eum uocare consueuerint. Sed ut arbitrer Lampetram antiquitus fuisse Mustelam, Plinius aper-
tissime suadet, quum dicit in lacu Rhatia Brigantino Mustelam esse marinae emulam. Nanque is hodie Lacus Hydrinus est in Tri-
dentinorum finibus, qui proculdubio antiquitus fuit Brigantinus. Is emittit annem Clisum in quo Lampetrae reperiuntur. Sebinus quoque Brixianorum Lacus Brigantino proximus, qui hodie Hi-
scius dicitur & Ollium annem emittit, ut plures eius accola mihi affirmarunt, aliquando Lampetras Hetruscis, ac Romanis spectie, saporeque simillimas praebeat. Neque propterea dixit Plinius ma-
rinae emulam, quia captam mori intelligere uelit, marinae enim sunt, quae in Arno ac Tyberi capiuntur. Distant siquidem longo
intervallo pulparum bonitate ab his, quas in alto mari expiscari aliquando solemus, quum subarida, agrestesque sint, ita ut expri-
mere Plinius uoluerit Mustelas, quae nunquam mare attigerint, sa-
pore commendans dulcibus in aquis reperiri. Neque enim Plinium Lampetras paruas (quas Lampetroccias uocamus) Marinis com-
parare uoluisse credendum est. nam si de paruis intellexisset, ad Brigatinum ignobilem lacum & ipsis abstrusum in alpibus minime
fuisse recurrendum, quum uti supra diximus, tota Gallia Cisalpi-
na in omnibus fluxuolis ac riuis copiosissime reperiantur. Vnde ue-
ro Lampetram antiqui Mustelam appellarint, incertum est. Verum
ego piscem illum a longitudine, candoreque uentris & a tergoris
supericris subluteo colore (uti in quadrupedibus Mustelis uidemus)
dictum esse putauerim. Fuere aliqui eruditiores nostrae tempestatis,
qui Lampetram apud Plinium Lumbricum fuisse crederent, quum

in nono dicat . Duæ omnino sunt pinnae longis piscibus , ut Lumbricis et Anguillis et Congris , quum et Lampetræ sint longæ et Lumbricis terrestribus certo consinio assimilentur . Verum, locum ibi deprauatum esse ostendit Alcyonius uir doctiss. quum Plinius eadem uerba ab Aristotele mutuatus esse manifeste deprehendatur. Verba autem Aristotelis hæc sunt ex libro primo de natura animalium. Quæ autem in genere natantium pedibus carent, hæc aut pinis natant , ut pisces , quorum alij quaternas , binas scilicet parte prona et binas supina habent , ut Aurata , ut Lupus , Alij binas tantum qui longi , leuesque sunt , ut Anguilla et Congri , aut nullas omnino habent , ut Murena , sed ita maxi utuntur , ut terra serpentes , modoque simili reperiunt in humore . Theodorus autem uertit lenibus loco lubricis , quandoquidem in mendosam Plinij lectionem incidit , nec satis animaduertit , quo pacto castigare eam oporteret , ut librariorum uitio lubricis dictionem in Lumbricis addito . m . litera abiisse omnino credendum sit . porro Hermolaus in castigationibus Plinianis nihil de Lumbricis differuit , in corrolario autem apud Dioscoridem , quum Mustelam nominaret , quis nam is piscis apud neotericos esset , cautissime subticuit , utpote qui de eo pisce nihil certi adhuc se comperisse meminerat , Quid si hæc nonnullis qui in explorata ueritate morosi sunt , minime satisfecerint , operæpretium erit eos Lumbrici nomen pro pisce apud aliquem idoneum authorem reperire , quod certe nunquam (nisi fallimur) uel accuratissima lectione poterit inueniri . At si lumbricus erit piscis , qui Lampetra dicitur , testimonio alicuius fortasse authoris ab inferis renocati , quis demum contra piscis erit ipsa Mustela ab antiquis tantopere celebrata ? quum nullus fere sit piscis palato gratissimus , cui suum nomen , idemque antiquum non reddiderimus .

Lampetræ igitur suauissima sunt, Martio tamen Aprilique mensibus tantum. nam incipiente æstate durefcit nervus interior, qui illis pro spina est, cæterum delicatiore quodam condimento multo maiorem, quam ab ipsis pulpis, nobilitatem accipiunt. Necare enim eam in Cretico uino solent, eique myristica nuce os claudere, & foramina illa totidem Cariophyllis adimplere, in teganoque conuolutam in spiras additis auellanis tritis, medulla panis, oleo, uino Cretico, aromatibusque ad temperatiores prunas, certis mentis sedulo excoquere, quo condimento Leo. X. in minore fortuna, ioci causa, ut conuiuî exhilararet, Marianum Cucullatum falsum & ridiculum hominem memorabili impostura decepit. Nanque funem instar Lampetræ incoctum, multoque illo iurulento immersum grandi in patina apposuit, ut notam omnibus eius edacitatem, gulamque eluderet, qui iam magna pultarij parte absumpta pseudo Lampetram aggressus, diu, multumque cum ea maxillis ac dentibus inhaerente colluctatus, cachinnum cunctis tollentibus facetissime respondit, utinam sic mihi sæpius illudatis, nam in hoc condimento non modo funes, sed & ipsas catenas, quibus insani uobis similes uinciuntur, & cum uoluptate quidem absumerem. Cæterum Lampetrarum pulpis nullam uim noxiæ inesse putandum est, quando & duricie & lento pingui prorsus expoliata sint, quibus maxime conditionibus pisces stomachis incommodi esse consueuerunt. Dicere autem eas ab occultiore potestate nervis aduersari, impudentis, uel scrupulosioris ingenij esse putamus.

Quid Trocta Romanis antiquitus fuerit, haud facile ad-
 firmaverim, quando unus tantum e latinis Ambrosius, se-
 lusq; ex omnibus Græcis authoribus Aelianus Troctā nōminarint,
 Et id quidem admirandum est, quum omnium qui dulcibus in aquis
 generetur, hic piscis longe nobilissimus equali cunctarū gentium
 iudicio censetur. quamobrem in hoc præsertim pisce cōdonandam
 mihi ab eruditis ueniam existimo, si ingenuè me nondum eius noca-
 bulum a ueteribus usurpatum reperiisse, minime inficiabor. Sed Tro-
 ctam de Lutorum genere fuisse apud antiquos crediderim, uti Mo-
 deratus Columella curiosos atque oculatos lectores admonere uide-
 tur, quum Lupos sine macula piscinis includi posse asseneret, aliosq;
 esse Lupos dicat, qui Varij appellentur, ita ut Lutorum alij sint si-
 ne macula, idest marini, qui & amies subeant, alij Varij hoc est
 fluuiatiles qui dulcibus in aquis generentur, unde & Troctam
 ab aliquibus inglorijs authoribus Varium maiorem appellari ui-
 demus. Certe Trocta admodum uaria est nigricantibus maculis to-
 tum dorsum speciose pingentibus. Spigolæ nero unicolores potius
 atque argenteæ esse uidentur, quanquam & ipsæ ueluti ad retinen-
 dam Lupini generis appellationem, sub atris punctis, sed mino-
 ribus & languidioribus, quam in Troctis uideamus, notatæ sint.
 Neque enim arbitrandum est Columellam per Lupos tractos in
 Ciminum & Sabatinum lacus, uel Troctas uel Lutos intelligere
 uoluisse. Supernacaneum enim fuisset Troctas indidisse, quarum ma-
 ximam copiam suburbanæ amies omni tempore suggererent, ut ex
 Reatinis, Sublaqueanisq;, & ex ipsius Tyburtino Aniene quotidie
 uidemus. Præterea neq; Romanæ luxuriæ neq; admirabilioris magni-
 ficentiæ fuisset adeo quæ pelagios pisces illis in lacubus disseminasse.
 de marinis enim Columella loquebatur, & quidē nobilissimis, ut de

Auratis & Murenis simul cum Lupis ipsis clare testatus est, quos
 tamen omnes deficiente paulatim eorum sobole, quum diu naturæ
 repugnare nequiverint, penitus interisse manifeste videmus. Im-
 probumque illud factum & dictum luxuriosum Philippi apud Cas-
 sinatem hospitem certissimam facit coniecturam, Lupū illum, quem
 ut insulsissimi saporis expuerat, & probro subinde fuerat perse-
 cutus, fuisse Troctam, quum in illis annibus Cassinatium, Sora-
 norum & Arpinatium Troctæ plurimū capiantur, quas Spigolis
 tyberinis pinguioribus minime comparandas Philippus esse indica-
 bat. Plinius quoque aliquos Lupos a candore lanatos appellati di-
 cit, & illud quidem proprie & erudite, nam Lupos idest Troctas
 in uniuersum secundum carnes rubescere, Spigolas autem pelagias
 pariter ac Tyberinas insigni candore albicare clarissime constat.
 Ceterum Troctam non facile in Tyberi reperies, sicuti nec ipsam
 Spigolam alijs in annibus Vrbi propinquis. Cur autē solus Aelia-
 nus Troctam ampliore elogio celebrarit, propterea id accidisse
 putauerim, quod ille fuerit Prænestinus, & ibi Troctæ pluri-
 ma subiectis in annibus capiantur. Qua etiam ratione Diuum Am-
 brosium Antistitem Mediolanensem, ueluti Larianis Troctis assue-
 tum uulgato etiam tum eius piscis nomini inscribere uoluisse, cre-
 dendum est. Sed Aelianus Troctam e genere marinorum facit, qua
 cum Delphinis pugnare soleat, sic, ut id nomen nostrati Troctæ
 parum conuenire uideatur. eam dicit continnos habere dentes, &
 eos quidem incisorios, captamque hamo non retrocedere, sed con-
 tinne sequi, ut eo deglutito, inferiusque demisso lineam abrodat,
 propterea a piscatoribus hamos ansæ longioris fuisse excogitados,
 saltatrixq; ab eo Troctæ appellatur. quod & nos hodie uidemus,
 nam eas aduersos annes, uel e præruptissimis etiam cantibus deci-

dentes incredibili impetu subire compertum est. ab Nare enim flu-
 uio in Velinum lacum, qui hodie Pedelucus est, stupenda uelocita-
 te uolucrum modo ascendere creduntur. qui lacus ab altissimo mon-
 tis uertice certis primo coartatus angustijs, & mox tota aquarū
 mole præcipitatus, nec subiectis quidē cautibus madefactis, nелuti
 e calo in ipsum profluentem Narem effunditur. Nos quoque Troc-
 tas maiores audiuius in Larij ripis lasciuo excursu extremas are-
 nae margines aliquando ad insti passus longitudinem profulsasse.
 Trocta longe omnium maxima centum aliquando librarum pondo
 Lario in lacu progignuntur, & quidem omni alio, uel marino
 etiam pisce sapidiores, præsertim si Maio mense & in Brescia tor-
 rentis ostio capiantur. Mortua paucissimis horis summam illam sa-
 poris gratiam amittunt, quoniam ob pinguem illam teneritudinem
 quam ocissime computrescunt. Coquuntur concisa in tabellas in le-
 betibus lapideis torno fabricatis, simplici in aqua, multo sale in-
 dito, aliaque subinde accersita condimenta penitus aspernantur.
 Musco enim quodam pruina simili paulopost sponte emisso, ruben-
 tes pulpæ protinus efflorescunt, ita ut quum refrixerint, multo
 gratiores esse uideantur. Morus tamen nobilis parasitus, qui plu-
 rima, eruditioraque in obsonijs pulmenta commentus est, Troctam
 cubitalem in præpinguis capi iure coquendam esse censebat, sicuti
 & Phasianum adultum, quem mediocriter in eodem capi iure eli-
 xare, ac demum ad auertendam ariditatem, quæ torrendo conci-
 peretur, omenti hadini reticulo multis Cariophylorum clavis con-
 fixo inuolutum ad mitiorem prunarum uaporem in ueru percoquere
 consueuit. Soleo ergo plerumque mirari quosdam, qui ut sapientio-
 res uideantur, Benacinum Carpionem, Padanum Silurum, & e ma-
 ri plures pisces Larianis Troctis uel antepondere, uel exaquare

solent, & item Sorania Troctæ in eo genere principatum attri-
buant, quum maxime fallantur. Neque enim obsoniorum adeo im-
peritus esse possum, ut temere de hac re indicare sim existimandus,
quum ex supero, inferoque mari, cunctisque prope totius Italiae
lacubus ac fluminibus nobilissimos pisces lautis saepe conuiuijs gu-
stauerim, & certa comparatione contulerim. sed fortasse euenit,
ut homines ea maxime probent esculenta, quibus a pueritia insue-
uerint, uti nobili accidit Florentino, qui quum in cana Leonis
Pontificis pelagij pisces uario discumbentium iudicio certatim atque
impense laudarentur, extollatis ut lubet, inquit, conuiua marinos
pisces, ego certe Thrasymeniam Tincam conditam Leucophago,
his uestris Triglis, Spigolis, & Rhombis prætulero. Quod di-
ctum ut insulsum, omnibus præ risu lachrymas excussit, & in pro-
uerbium paulopost receptum, auctori, qui antea ignotus erat, ma-
ximam attulit claritatem. Assueuerat enim ille Tincæ pisci, qui a
Florentinis mediterraneis hominibus sacri præsertim ieiunij tem-
pore, in summo honore habetur. Troctæ pinguiore ut sunt La-
rianæ, multo succo replere corpora, genitalemque humorem co-
piose suggerere dicuntur, uti Auicena de omnibus prope piscibus,
si recentes & calidi comedantur, uno edicto pronuntiauit. agris
tamen euidentissimè nocent, ut pote quæ tarde, laborioseque in
stomachis atterantur & fecernantur. At fluuiales, quæ aduerso
torrentium impetu fatigantur, atque occurrentibus inæqualium
uadum petris illis castigatoria summa & aridiusculas carnes
ostendunt, Medici blandiores agris apponere, commendareque
non dubitant. Quas etiam in paralyticorum cibarijs magnopere
laudauit ille Plinius, qui elegantem librum de morbis atque reme-
dijs conscripsit. Fuit is proculdubio Plinio naturalis historiae scri-
ptore

eas vocant. Sunt qui arbitrentur Squillas esse id Cancrorum genus, quod Gibbum Aristoteles appellauit, videntur enim Squilla admodum Gibba. Quid autem sit Squilla Iuuenali illo in carmine, Affice, quam longo distendat pectore lancem
Qua fertur domino Squilla.

Ego putauerim, illum Crustaceorum nomina confudisse, uoluisseque intelligere pro Squilla, Locustam, aut Leonem, qui dominis apponi consueuerint, per Cammaros autem illos scilicet paruos designasse, qui Locustarum ingentium collatione, ueluti minutili, ignobilioribus conuiuis apponerentur. in uniuersum Crustacea ab ouis commendatiora sunt, pinguescereque solent plenilunijs. authore autem Galeno totum Crustatorum genus ob carniū duri-
ritiem difficillime concoquitur, salsumque humorem adgenerat, sed aliquanto mitiorem ipsis Testaceis, de quibus mox agemus. Cancri autem & Cancelli, qui caudam non habent, latoque corpore & ualde rotundo constant, quique colore rufescunt, & appensi lineis apud sacellum Hadriani pontis uenundantur, Hecticis & lenta febre laborantibus mire conueniunt, quoniam humidum leueque & ualde refrigerans alimentum præbent, præsertim si (uti præcipit Galenus) in aqua prædecocti magna ex parte salsuginem innatam exuerint. Hunc Cancrum, qui Græce est Carcinus, si in patella uratur uinū, sub canis syderis ortum, quum sol in Leonem Zodaici transit, a rabido cane commorsis mirifice auxiliari Aescrion Galeni præceptor affirmauit. Pelops autem Medicus Galeno etiam familiaris id a qualitate materiæ ipsius Cancri, non autem a peculiari eius naturæ proprietate proxenire testatur, cuius opinionem nemo fere secutus est. Sed Dioscorides intellexit de flu

uialibus Cancris, quos cum uite alba concrematos admista gentiana, rabie affectis prospere semper exhibuit.

De Ostreis & alijs Testaceis. Cap. XLI.

E Testaceorum genere, Romæ in pretio habentur Ostrea, Pectunculi, & Tellina. Ostrea mittit Corsica, sed raro & saepe olida, quoniam aduersis tempestatibus impedita navigatione, uel prædonibus Mauris intercluso mari, non facile ad Urbem perueniunt. Ea uero quæ a Pisauri litore paucis ante annis afferrebantur, extincta ueluti earum progenie penitus abierunt. Ostrea quum Romana res magnitudinis atque luxuriæ fastigium teneret, a Brundisio in Lucrinum lacum transportabantur, quæ ueluti ea peregrinatione gaudentes, adoptatæque dulcibus aquis mirifice pinguescebant. Fuereque Ostrea adeo in honore ipsis gulæ proceribus, ut in remotissimas a mari regiones ligneis lacubus apportarentur. Refert Athenæus Apitium nobilem parasitum, qui superioris nomine appellari promeruit, uasis summa industria fabricatis ad Traianum in mediterraneis Mæopotamiæ contra Parthos bellum gerentem recentissima Ostrea detulisse. Ea maxime probantur, quæ magnarum nauium carinis adherent, & ab urinatoribus de manu colliguntur. In uniuersum, Ostrea, ut ait Galeus, salsum humorem adgenerant & præsertim si cruda comedantur, propterea tentiginem in salacibus plurimum adangunt, alium quoque ea mouere Plinius Medicus asserit, qui & eorum testas ambustas dissentericis prodesse, si uero eorum carnem a neno comesti Leporis marini liberare testatur. Plinij autem naturalis historiæ scriptoris. authoritate, stomachum resciant, fa-

stidys medentur, molliunt leniter aluum, tensesmicos inuuant, *uoluntas eq.
mam. ex.*
 & *Veneris pruritum falgugine sua uehementer incitant, coctaq;*
in testis, distillationibus prosunt. Affinem Ostreis Pectines siue
 Pectunculi, quos hodie *Conchulas* dicimus, naturam atque sapo-
 rem habent. Sunt striatae & subrubra carne, & in Tarentino sinu
 laudatissimae & gradiore, quae auriti Pectines latine appellatur,
 unde Horatius dixit.

Pectinibus patulis iactat se molle Tarentum.

Sequuntur parua illa *Conchula* a ueteribus latinis *Mytili*, a
 Romanis autem hodie Graco nomine *Tellina* nuncupata, quae
 bellariornm locum obtinent, sunt enim gratæ gustui, uerum are-
 nulis scatent & propterea calculosis officiunt. Cinerem earum
 casum pilorum in palpebris prohibere *Oribasius* affirmat. Sunt
 & alia *Concharum* genera prope infinita, ut *Purpura*, *Buccina*,
Aures, *Digit*, *Vngues*, *Patellæ*, *Cochleæ*, quae consulto præ-
 terimus, quoniam suburbano in mari rarissime capiuntur. Est &
Echinus non ingratus principum mensis spinoso castaneæ tegumen-
 to assimilatus, cuius generis est *Echinometra* multo maior, in al-
 to tantum mari progenitus, quem *Aristoteles* urinae distillatio-
 nibus efficacissime mederi testatus est. Venit & inter mensarum
 delitias *Vertibula* siue *Vrtica*, callus quidam ad magnitudinem
 inglandis, cuius duricies, ut ait *Aristoteles*, media est, inter te-
 stem & corium, colore suppalido & rubenti, ea frequenter
 in Pyrgorum litore ad *Centumcellas* reperitur. quam sicuti
 palato iucundissimam, ita & stomachis minime insalubrem esse
 conijcimus.

Superest ut de Salsamentis pauca attingamus, quæ adeo in ho-
 nore apud Græcos fuerunt, ut Athenienses Chereprili, qui sal-
 samēta uēditabat, filios in gratiā patris ciuitate donarint. Romani
 quoq; huic rei plurimū studuerūt, ut ex Plinio licet cōiectari. Garū
 ante alia in pretio fuit, liquamen ex salitorum Scombrorū muria
 confectū, quod in uarios culinae usus ueniebat. cōsciebatur optimū
 in Aphrica, quod sociorū quoq; appellatū est. Sed id hodie penitus
 exoleuit. Maxima nunc gratia est Cephalorum ovis, quæ geminis
 folliculis circuncisa parte suminis, recentibus Cephalis eximuntur,
 quæ Græco nomine passim Oa Taricha, id est salita nuncupantur.
 Secundum Oa Taricha, eminet Cauriarium, quod ex Sturionum ovis
 in Pōto conficitur, ita ut salita in massam ingentē cogatur, & cadis
 includatur, cruda ea comedimus, uel in panis crustulis ad prunas
 ustulatis. modico enim igne salsamēta in uniuersum indigent autho-
 ritate Athenæi, qui quū de celeriter factis loquimur, in prouerbiū
 cessisse ait, citius quā salsamenta coquantur, sicuti de Asparagis
 latini usui parūt. Cauriaria Iulio Secūdo Pōtifice Maximo mirifice
 placuerūt, quod deiectū ei ciborū gustū sæpius alleuassent, & sūti,
 niniq; pariter, ut in senibus accidit, mire lenocinari uiderentur.
 Sūt etiam in summa commendatione ex ipsis Sturionum pulpis Spi-
 nalia, sic uulgo nuncupata, quæ laricinis lignis assimulantur.
 Laudant & Moronem, ignoti nobis piscis prædura frustra, ual-
 deque rubentia, quæ Maotidis paludis accolæ mercimoniū cau-
 sa transmittunt, ea prius exedi commodè non possunt, nisi aquæ
 calidæ perfusionē molliantur. Sardæ, quæ Plinio, Theodoroque
 sunt Trichie, itemque, quæ uocantur uulgo Aleces, aliquanto
 Sardis minores, in magno usu, alendis familijs existunt. Sunt i-
 digitales pisciculi, qui lōge optimi in Liguria saliantur. eos aliqui

Apnas esse noluerunt, quæ authoritate omnium fere antiquorū ex limo sunt & in magna copia apud Pyreum Athenarum portum capiuntur. Ex Cymbricis quoq; litoribus Aringhæ, pedales pisces in cratibus sale ac fumo inueterati nobis afferuntur, quibus Hermolaus quū eas citaret propriū nomen non indidit, utpote qui Alecis uocabulum ab illis gentibus usurpatū non probabat. Adducuntur quoq; ex finibus Gothiæ, atq; Noruegiæ cubitales Merlucciæ, adeo dura & extentæ, ut fustibus assimilentur, quas in delitijs Germanorum, qui Vbrem incolunt, esse uidemus. Sed Thynnus præcipue fora omnia & tabernæ salsamētariorum replētur, de quibus late in proprio capite disserimus. Salmones etiā Gallia belgica quotānis mittit, sed in plebis usum, quū saliti pristina nobilitatē amittant. Caterum ex salitis palmā, omniū confusione etate nostra obtinet Carpiones ex Benaco lacu, qui subfricti modice saliantur. Referunt ij Troctarum saporem, atq; ipsam corporis speciem. nam & pulpæ eorum rufescunt & argentea tergora uarijs punctis depinguntur. Sed quæ in Troctis nigra sunt, in Carpionibus rubra conspiciuntur, ita ut is piscis, qui Ansonio Salar uocatus est, proculdubio esse uideatur, quum in Mosella dicit.

Purpureisq; Salar stellatus tergora guttis. I M P R

Nullibi quā in Benaco ex omni Italia Carpiones gignuntur. propterea factū esse crediderim, ut antiqui qui de piscibus scripserunt, ueluti de ignoto pisce potius quam de ignobili nullā fecerint mentionem. Porro omnis generis Salsamēta sanguinē inflamant, bilem augent, & stranguarijs obsunt. his uero qui multa infusa pituita repletum habet stomachum, siccando, detrahendoq; auxiliantur, immoderate uero his utentes, uel etiam senes ipsos uehementer ad Venerem incitare pleriq; authores tradiderunt. Finis.

EDICTO CLEMENTIS .VII.

PONT. MAX.

CAVTVM EST NE QVIS LIBRVM
HVNC ALIOSVE IN OFFICINA

F. MINITII CALVI

PRIMVM EXCVSSOS EXCVDENDOSVE

INTRA PROXIMVM DECENNIVM

VSPIAM GENTIYM IMPRIMAT, VEL

AB ALIIS TEMERE FORSAN

IMPRESSOS VENDAT SEV

VENALES HABEAT.



ROMAE EX AEDIBVS

F. MINITII CALVI

ANNO . M . D . XXVII.

MENSE APRILI

PONTIFICATVS . S . D . N.

CLEMENT . VII . PONT.

MAX ANNO . IIII.

THE NATIONAL ANTHROPOLOGICAL ARCHIVES

SMITHSONIAN INSTITUTION

WASHINGTON, D. C. 20560

RECEIVED

NOV 10 1964

AMPT

11-10-64

